

『傷寒論』

『傷寒論』明・趙開美本

底本には、燎原書店影印本（1988年）を使用した。

『傷寒論』：明・趙開美本

ただし、次の版本もほぼ適用する。

『傷寒論』：安政3年『翻刻宋版傷寒論』

自然と科学社（1991年）発行。

傷寒論

漢 張仲景述 晋 王叔和撰次
宋 林 億校正
明 趙開美校刻
沈 琳同校

◆辨脉法第一。

問曰。脉有陰陽。何謂也。

答曰。凡脉大浮數。動滑。此名陽也。脉沈瀋弱弦微。此名陰也。凡陰病見陽脉者生。陽病見陰脉者死。

問曰。脉有陽結陰結者。何以別之。

答曰。其脉浮而數。能食不大便者。此爲實。名曰陽結也。期十七日當劇。其脉沈而遲。不能食。身體重。大便反鞭。名曰陰結也。期十四日當劇。

問曰。病有洒淅惡寒。而復發熱者。何。

答曰。陰脉不足。陽往從之。陽脉不足。陰往乘之。

曰。何謂陽不足。

答曰。假令寸口脉微。名曰陽不足。陰氣上入陽中。則洒淅惡寒也。

曰。何謂陰不足。

答曰。尺脉弱。名曰陰不足。陽氣下陷入陰中。則發熱也。

陽脉浮。陰脉弱者。則血虛。血虛則筋急也。其脉沈者。榮氣微也。其脉浮。而汗出如流珠者。衛氣衰也。榮氣微者。加燒鍼。則血留不行。更發熱而躁煩也。

脉藹藹如車蓋者。名曰陽結也。脉累累如循長竿者。名曰陰結也。脉瞥瞥如羹上肥者。陽氣微也。

脉縈縈如蜘蛛絲者。陽氣衰也。脉綿綿如瀉漆之絕者。亡其血也。

脉來緩。時一止。復來者。名曰結。脉來數。時一止。復來者。名曰促。脉陽盛則促。陰盛則結。此皆病脉。

陰陽相搏。名曰動。陽動則汗出。陰動則發熱。形冷惡寒者。此三焦傷也。若數。脉見於關上。上下無頭尾。如豆大。厥厥動搖者。名曰動也。

陽脉浮大而濡。陰脉浮大而濡。陰脉與陽脉同等者。名曰緩也。

脉浮而緊者。名曰弦也。弦者。狀如弓弦。按之不移也。脉陰者。如轉索無常也。

脉弦而大。弦則爲減。大則爲芤。減則爲寒。芤則爲虛。寒虛相搏。此名爲革。婦人則半產漏下。男子則亡血失精。

問曰。病有戰而汗出。因得解者。何也。

答曰。脉浮而緊。按之反芤。此爲本虛。故當戰而汗出也。其人本虛。是以發戰。以脉浮。故當汗出而解也。若脉浮而數。按之不芤。此人本不虛。若欲自解。但汗出耳。不發戰也。

問曰。病有不戰而汗出解者。何也。

答曰。脉大而浮數。故知不戰汗出而解也。

問曰。病有不戰不汗出而解者。何也。

答曰。其脉自微。此以曾發汗。若吐。若下。若亡血。以內無津液。此陰陽自和。必自愈。故不戰不汗出而解也。

問曰。傷寒三日。脉浮數。而微。病人身涼和者。何也。

答曰。此爲欲解也。解以夜半。脉浮而解者。濺然汗出也。脉數。而解者。必能食也。脉微而解者。必大汗出也。

問曰。脉病欲知愈未愈者。何以別之。

答曰。寸口關上尺中三處。大小浮沈遲數。同等。雖有寒熱不解者。此脉陰陽爲和平。雖劇當愈。

師曰。立夏得洪大脉。是其本位。其人病身體苦疼重者。須發其汗。若明日身不疼不重者。不須發汗。若汗濺濺自出者。明日便解矣。何以言之。立夏脉洪大。是其時脉。故使然也。四時倣此。

問曰。凡病欲知何時得。何時愈。

答曰。假令夜半得病者。明日日中愈。日中得病者。夜半愈。何以言之。日中得病。夜半愈者。以陽得陰則解也。夜半得病。明日日中愈者。以陰得陽則解也。

寸口脉浮爲在表。沈爲在裏。數爲在府。遲爲在藏。假令脉遲。此爲在藏也。

跌陽脉浮而濡。少陰脉如經者。其病在脾。法當下利。何以知之。若脉浮大者。氣實血虛也。今跌陽脉浮而濡。故知脾氣不足。胃氣虛也。以少陰脉弦。而浮纔見。此爲調脉。故稱如經也。若反滑而數者。故知當屎膿也。

寸口脉浮而緊。浮則爲風。緊則爲寒。風則傷衛。寒則傷榮。榮衛俱病。骨節煩疼。當發其汗也。

跌陽脉遲而緩。胃氣如經也。跌陽脉浮而數。浮則傷胃。數則動脾。此非本病。醫特下之所爲也。榮衛內陷。其數。先微。脉反但浮。其人必大便鞭。氣噫而除。何以言之。本以數脉動脾。其數先微。故知脾氣不治。大便鞭。氣噫而除。今脉反浮。其數改微。邪氣獨留。心中則飢。邪熱不殺穀。潮熱發渴。數脉當遲緩。脉因前後度數如法。病者則飢。數脉不時。則生惡瘡也。

師曰。病人脉微而濇者。此爲醫所病也。大發其汗。又數大下之。其人亡血。病當惡寒。後乃發熱。無休止時夏月盛熱。欲著複衣。冬月盛寒。欲裸其身。所以然者。陽微則惡寒。陰弱則發熱。此醫發其汗。使陽氣微。又大下之。令陰氣弱。五月之時。陽氣在表。胃中虛冷。以陽氣內微。不能勝冷。故欲著複衣。十一月之時。陽氣在裏。胃中煩熱。以陰氣內弱。不能勝熱。故欲裸其身。又陰脉遲濇。故知亡血也。

脉浮而大。心下反鞭。有熱屬藏者。攻之不令發汗。屬府者。不令洩數。洩數則大便鞭。汗多則熱愈。汗少則便難。脉遲尚未可攻。

脉浮而洪。身汗如油。喘而不休。水漿不下。形體不仁。乍靜乍亂。此爲命絕也。又未知何藏先受其災。若汗出髮潤。喘不休者。此爲肺先絕也。陽反獨留。形體如煙熏。直視搖頭者。此爲心絕也。脣吻反青。四肢繫習者。此爲肝絕也。環口黧黑。柔汗發黃者。此爲脾絕也。洩便遺失。狂言。目反直視者。此爲腎絕也。又未知何藏陰陽前絕。若陽氣前絕。陰氣後竭者。其人死。身色必青。陰氣前絕。陽氣後竭者。其人死。身色必赤。腋下温。心下熱也。

寸口脉浮大。而醫反下之。此爲大逆。浮則無血。大則爲寒。寒氣相搏。則爲腸鳴。醫乃不知。而反飲冷水。令汗大出。水得寒氣。冷必相搏。其人即籌。

跌陽脉浮。浮則爲虛。浮虛相搏。故令氣籌。言胃氣虛竭也。脉滑則爲噦。此爲醫咎。責虛取實。守空迫血。脉浮。鼻中燥者。必衄也。

諸脉浮數。當發熱而洒淅惡寒。若有痛處。飲食如常者。畜積有膿也。

脉浮而遲。面熱赤而戰惕者。六七日當汗出而解。反發熱者。差遲。遲爲無陽。不能作汗。其身必痒也。

寸口脉陰陽俱緊者。法當清邪中於上焦。濁邪中於下焦。清邪中上。名曰潔也。濁邪中下。名曰渾也。陰中於邪。必內慄也。表氣微虛。裏氣不守。故使邪中於陰也。陽中於邪。必發熱頭痛。項強頸攣。腰痛脛酸。所爲陽中霧露之氣。故曰清邪中上。濁邪中下。陰氣爲慄。足膝逆冷。便溺妄出。表氣微虛。裏氣微急。三焦相溷。內外不通。上焦怫鬱。藏氣相熏。口爛食斷也。中焦不治。胃氣上衝。脾氣不轉。胃中爲濁。榮衛不通。血凝不流。若衛氣前通者。小便赤黃。與熱相搏。因熱作使。遊於經絡。出入藏府。熱氣所過。則爲癰膿。若陰氣前通者。陽氣厥微。陰無所使。客氣內入。噦而出之。聲嗚咽塞。寒厥相迫。爲熱所擁。血凝自下。狀如豚肝。陰陽俱厥。脾氣孤弱。五液注下。下焦不盪。清便下重。令便數難。齊築湫痛。命將難全。

脉陰陽俱緊者。口中氣出。脣口乾燥。蹠臥足冷。鼻中涕出。舌上胎滑。勿妄治也。到七日以來。其人微發熱。手足温者。此爲欲解。或到八日以上。反大發熱者。此爲難治。設使惡寒者。必欲嘔也。腹內痛者。必欲利也。

脉陰陽俱緊。至於吐利。其脉獨不解。緊去入安。此爲欲解。若脉遲至六七日不欲食。此爲晚發。水停故也。爲未解。食自可者。爲欲解。病六七日。手足三部脉皆至。大煩而口噤不能言。其人躁擾者。必欲解也。若脉和。其人大煩。目重。臉內際黃者。此欲解也。

脉浮而數。浮爲風。數爲虛。風爲熱。虛爲寒。風虛相搏。則洒淅惡寒也。

脉浮而滑。浮爲陽。滑爲實。陽實相搏。其脉數疾。衛氣失度。浮滑之脉數疾。發熱汗出者。此爲不治。

傷寒欬逆上氣。其脉散者死。謂其形損故也。

問曰。脉有三部。陰陽相乘。榮衛血氣。在人體躬。呼吸出入。上下於中。因息遊布。津液流通。隨時動作。效象形容。春弦秋浮。冬沈夏洪。察色觀脉。大小不同。一時之間。變無經常。尺寸參差。或短或長。上下乖錯。或存或亡。病輒改易。進退低昂。心迷意惑。動失紀綱。願爲具陳。令得分明。

師曰。子之所問。道之根源。脉有三部。尺寸及關。榮衛流行。不失衡銓。腎沈心洪。肺浮肝弦。此自經常。不失銖分。出入升降。漏刻周旋。水下百刻。一周循環。當復寸口。虛實見焉。變化相乘。陰陽相干。風則浮虛。寒則牢堅。沈潛水瀦。支飲急弦。動則爲痛。數則熱煩。設有不應。知變所緣。三部不同。病各異端。大過可怪。不及亦然。邪不空見。終必有奸。審察表裏。三焦別焉。知其所舍。消息診看。料度府藏。獨見若神。爲子條記。傳與賢人。

師曰。呼吸者。脉之頭也。初持脉。來疾去遲。此出疾入遲。名曰內虛外實也。初持脉。來遲去疾。此出遲入疾。名曰內實外虛也。

問曰。上工望而知之。中工問而知之。下工脉而知之。願聞其說。

師曰。病家人請云。病人苦發熱。身體疼。病人自臥。

師到診其脉。沈而遲者。知其差也。何以知之。若表有病者。脉當浮大。今脉反沈遲。故知愈也。假令病人云腹內卒痛。病人自坐。

師到脉之。浮而大者。知其差也。何以知之。若裏有病者。脉當沈而細。今脉浮大。故知愈也。

師曰。病家人來請云。病人發熱煩極。

明日師到。病人向壁臥。此熱已去也。設令脉不和。虛言已愈。設令向壁臥。

聞師到。不驚起而盼視。若三言三止。脉之嚙唾者。此詐病也。設令脉自和。處言此病大重。當須服吐下藥。鍼灸數十百處乃愈。

師持脉。病人欠者。無病也。脉之呻者。病也。言遲者。風也。搖頭言者。裏痛也。行遲者。表強也。坐而伏者。短氣也。坐而下一脚者。腰痛也。裏實護腹。如懷卵物者。心痛也。

師曰。伏氣之病。以意候之。今月之內。欲有伏氣。假令舊有伏氣。當須脉之。若脉微弱者。當喉中痛似傷。非喉痺也。病人云。實咽中痛。雖爾今復欲下利。

問曰。人恐怖者。其脉何狀。

師曰。脉形如循絲累累然。其面白脫色也。

問曰。人不飲。其脉何類。

師曰。脉自瀦。脣口乾燥也。

問曰。人愧者。其脉何類。

師曰。脉浮而面色乍白乍赤。

問曰。經說脉有三菽六菽重者。何謂也。

師曰。脉人以指按之。如三菽之重者。肺氣也。如六菽之重者。心氣也。如九菽之重者。脾氣也。如十二菽之重者。肝氣也。按之至骨者。腎氣也。假令下利。寸口關上尺中。悉不見脉。然尺中時一小見。脉再舉頭者。腎氣也。若見損脉來至。爲難治。

問曰。脉有相乘。有縱有橫。有逆有順。何謂也。

師曰。水行乘火。金行乘木。名曰縱。火行乘水。木行乘金。名曰橫。水行乘金。火行乘木。名曰逆。金行乘水。木行乘火。名曰順也。

問曰。脉有殘賊。何謂也。

師曰。脉有弦緊浮滑沈瀦。此六脉名曰殘賊。能爲諸脉作病也。

問曰。脉有災怪。何謂也。

師曰。假令人病。脉得太陽。與形證相應。因爲作湯。比還送湯。如食頃。病人乃大吐。若下利。腹中痛。

師曰。我前來不見此證。今乃變異。是名災怪。又

問曰。何緣作此吐利。

荅曰。或有舊時服藥。今乃發作。故爲災怪耳。

問曰。東方肝脉。其形何似。

師曰。肝者木也。名厥陰。其脉微弦濡弱而長。是肝脉也。肝病自得濡弱者。愈也。假令得純弦脉者死。何以知之。以其脉如弦直。此是肝藏傷。故知死也。

南方心脉。其形何似。

師曰。心者火也。名少陰。其脉洪大而長。是心脉也。心病自得洪大者。愈也。假令脉來微去大。故名反。病在裏也。脉來頭小本大。故名覆。病在表也。上微頭小者。則汗出。下微本大者。則爲關格不通。不得尿。頭無汗者可治。有汗者死。西方肺脉。其形何似。

師曰。肺者金也。名太陰。其脉毛浮也。肺病自得此脉。若得緩遲者皆愈。若得數者則劇。何以知之。數者南方火。火剋西方金。法當癰腫。爲難治也。

問曰。二月得毛浮脉。何以處言至秋當死。

師曰。二月之時。脉當濡弱。反得毛浮者。故知至秋死。二月肝用事。肝屬木。脉應濡弱。反得毛浮脉者。是肺脉也。肺屬金。金來剋木。故知至秋死。他皆倣此。

師曰。脉。肥人責浮。瘦人責沈。肥人當沈。今反浮。瘦人當浮。今反沈。故責之。

師曰。寸脉下不至關。爲陽絕。尺脉上不至關。爲陰絕。此皆不治。決死也。若計其餘命生死之期。期以月節剋之也。

師曰。脉病人不病。名曰行尸。以無王氣。卒眩仆不識人者。短命則死。人病脉不病。名曰內虛。以無穀神。雖困無苦。

問曰。翁奄沈。名曰滑。何謂也。

師曰沈爲純陰。翁爲正陽。陰陽和合。故令脉滑。關尺自平。陽明脉微沈。食飲自可。少陰脉微滑。滑者。緊之浮名也。此爲陰實。其人必股內汗出。陰下濕也。

問曰。曾爲人所難。緊脉從何而來。

師曰。假令亡汗。若吐。以肺裏寒。故令脉緊也。假令欬者。坐飲冷水。故令脉緊也。假令下利。以胃虛冷。故令脉緊也。

寸口衛氣盛。名曰高。榮氣盛。名曰章。高章相搏。名曰綱。衛氣弱。名曰牖。榮氣弱。名曰卑。牖卑相搏。名曰損。衛氣和。名曰緩。榮氣和。名曰遲。緩遲相搏。名曰沈。

寸口脉緩而遲。緩則陽氣長。其色鮮。其顏光。其聲商。毛髮長。遲則陰氣盛。骨髓生。血滿。肌肉緊薄鮮鞭。陰陽相抱。榮衛俱行。剛柔相得。名曰強也。

跌陽脉滑而緊。滑者胃氣實。緊者脾氣強。持實擊強。痛還自傷。以手把刃。坐作瘡也。

寸口脉浮而大。浮爲虛。大爲實。在尺爲關。在寸爲格。關則不得小便。格則吐逆。

跌陽脉伏而瀋。伏則吐逆。水穀不化。瀋則食不得入。名曰關格。

脉浮而大。浮爲風虛。大爲氣強。風氣相搏。必成隱軻。身體爲痒。痒者名泄風。久久爲痂癩。

寸口脉弱而遲。弱者衛氣微。遲者榮中寒。榮爲血。血寒則發熱。衛爲氣。氣微者心內飢。飢而虛滿不能食也。

跌陽脉大而緊者。當則下利。爲難治。

寸口脉弱而緩。弱者陽氣不足。緩者胃氣有餘。噫而吞酸。食卒不下。氣填於膈上也。

跌陽脉緊而浮。浮爲氣。緊爲寒。浮爲腹滿。緊爲絞痛。浮緊相搏。腸鳴而轉。轉即氣動。膈氣乃下。少陰脉不出。其陰腫大而虛也。

寸口脉微而瀋。微者衛氣不行。瀋者榮氣不逮。榮衛不能相將。三焦無所仰。身體痺不仁。榮氣不足。則煩疼口難言。衛氣虛者。則惡寒數欠。三焦不歸其部。上焦不歸者。噫而酢吞。中焦不歸者。不能消穀引食。下焦不歸者。則遺洩。

跌陽脉沈而數。沈爲實。數消穀。緊者病難治。

寸口脉微而瀋。微者衛氣衰。瀋者榮氣不足。衛氣衰。面色黃。榮氣不足。面色青。榮爲根。衛爲葉。榮衛俱微。則根葉枯槁。而寒慄欬逆。唾腥吐涎沫也。

跌陽脉浮而芤。浮者衛氣虛。芤者榮氣傷。其身體瘦。肌肉甲錯。浮芤相搏。宗氣微衰。四屬斷絕。

寸口脉微而緩。微者衛氣疏。疏則其膚空。緩者胃氣實。實則穀消而水化也。穀入於胃。脉道乃行。水入於經。其血乃成。榮盛則其膚必疏。三焦絕經。名曰血崩。

跌陽脉微而緊。緊則爲寒。微則爲虛。微緊相搏。則爲短氣。

少陰脉弱而瀦。弱者微煩。瀦者厥逆。

跌陽脉不出。脾不上下。身冷膚鞭。

少陰脉不至。腎氣微。少精血。奔氣促迫。上入胸膈。宗氣反聚。血結心下。陽氣退下。熱歸陰股。與陰相動。令身不仁。此爲尸厥。當刺期門巨關。

寸口脉微。尺脉緊。其人虛損多汗。知陰常在。絕不見陽也。

寸口諸微亡陽。諸濡亡血。諸弱發熱。諸緊爲寒。諸乘寒者。則爲厥。鬱冒不仁。以胃無穀氣。脾瀦不通。口急不能言。戰而慄也。

問曰。濡弱何以反適十一頭。

師曰。五藏六府相乘故令十一。

問曰。何以知乘府。何以知乘藏。

師曰。諸陽浮數。爲乘府。諸陰遲瀦。爲乘藏也。

◆傷寒例第三。

四時八節。二十四氣。七十二候。決病法。

立春正月節斗指艮。雨水正月中指寅。

驚蟄二月節指甲。春分二月中指卯。

清明三月節指乙。穀雨三月中指辰。

立夏四月節指巽。小滿四月中指巳。

芒種五月節指丙。夏至五月中指午。

小暑六月節指丁。大暑六月中指未。

立秋七月節指坤。處暑七月中指申。

白露八月節指庚。秋分八月中指酉。

寒露九月節指辛。霜降九月中指戌。

立冬十月節指乾。小雪十月中指亥。

大雪十一月節指壬。冬至十一月中指子。

小寒十二月節指癸。大寒十二月中指丑。

陰陽大論云。春氣溫和。夏氣暑熱。秋氣清涼。冬氣冰冽。此則四時正氣之序也。冬時嚴寒。萬類深藏。君子固密。則不傷於寒。觸冒之者。乃名傷寒耳。其傷於四時之氣。皆能爲病。以傷寒爲毒者。以其最成殺厲之氣也。

中而即病者。名曰傷寒。不即病者。寒毒藏於肌膚。至春變爲溫病。至夏變爲暑病。暑病者。熱極重於溫也。是以辛苦之人。春夏多溫熱病者。皆由冬時觸寒所致。非時行之氣也。

凡時行者，春時應暖，而反大寒，夏時應熱，而反大涼，秋時應涼，而反大熱，冬時應寒，而反大溫，此非其時，而有其氣，是以一歲之中，長幼之病多相似者，此則時行之氣也。

夫欲候知四時正氣爲病，及時行疫氣之法，皆當按斗曆占之，九月霜降節後，宜漸寒，向冬大寒，至正月雨水節後，宜解也，所以謂之雨水者，以冰雪解而爲雨水故也，至驚蟄二月節後，氣漸和暖，向夏大熱，至秋便涼。

從霜降以後，至春分以前，凡有觸冒霜露，體中寒即病者，謂之傷寒也，九月十月，寒氣尚微，爲病則輕，十一月十二月，寒冽已嚴，爲病則重，正月二月，寒漸將解，爲病亦輕，此以冬時不調，適有傷寒之人，即爲病也，其冬有非節之暖者，名爲冬溫，冬溫之毒，與傷寒大異，冬溫復有先後，更相重沓，亦有輕重，爲治不同，證如後章。

從立春節後，其中無暴大寒，又不冰雪，而有人壯熱爲病者，此屬春時陽氣，發於冬時伏寒，變爲溫病。

從春分以後，至秋分節前，天有暴寒者，皆爲時行寒疫也，三月四月，或有暴寒，其時陽氣尚弱，爲寒所折，病熱猶輕，五月六月，陽氣已盛，爲寒所折，病熱則重，七月八月，陽氣已衰，爲寒所折，病熱亦微，其病與溫及暑病相似，但治有殊耳。

十五日得一氣，於四時之中，一時有六氣，四六名爲二十四氣，然氣候亦有應至仍不至，或有未應至而至者，或有至而太過者，皆成病氣也，但天地動靜，陰陽鼓擊者，各正一氣耳，是以彼春之暖，爲夏之暑，彼秋之忿，爲冬之怒，是故冬至之後，一陽爻升，一陰爻降也，夏至之後，一陽氣下，一陰氣上也，斯則冬夏二至，陰陽合也，春秋二分，陰陽離也，陰陽交易，人變病焉，此君子春夏養陽，秋冬養陰，順天地之剛柔也，小人觸冒，必嬰暴疹，須知毒烈之氣，留在何經，而發何病，詳而取之，是以春傷於風，夏必飧泄，夏傷於暑，秋必病瘧，秋傷於濕，冬必欬嗽，冬傷於寒，春必病溫，此必然之道，可不審明之。

傷寒之病，逐日淺深，以施方治，今世人傷寒，或始不早治，或治不對病，或日數久淹，困乃告醫，醫人又不依次第而治之，則不中病，皆宜臨時消息制方，無不效也，今搜採仲景舊論，錄其證候診脈聲色，對病真方，有神驗者，擬防世急也。

又土地溫涼，高下不同，物性剛柔，滄居亦異，是故黃帝興四方之間，岐伯舉四治之能，以訓後賢，開其未悟者，臨病之工，宜須兩審也。

凡傷於寒，則爲病熱，熱雖甚，不死，若兩感於寒而病者，必死。

尺寸俱浮者，太陽受病也，當一二日發，以其脈上連風府，故頭項痛，腰脊強。

尺寸俱長者，陽明受病也，當二三日發，以其脈夾鼻絡於目，故身熱目疼，鼻乾不得臥。

尺寸俱弦者，少陽受病也，當三四日發，以其脈循脇絡於耳，故胸脇痛而耳聾，此三經皆受病，未入於府者，可汗而已。

尺寸俱沈細者，太陰受病也，當四五日發，以其脈布胃中絡於噎，故腹滿而噎乾。

尺寸俱沈者，少陰受病也，當五六日發，以其脈貫腎絡於肺，繫舌本，故口燥舌乾而渴。

尺寸俱微緩者，厥陰受病也，當六七日發，以其脈循陰器絡於肝，故煩滿而囊縮，此三經皆受病，已入於府，可下而已。

若兩感於寒者，一日太陽受之，即與少陰俱病，則頭痛口乾，煩滿而渴，二日陽明受之，即與太陰俱病，則腹滿身熱，不欲食讖語，三日少陽受之，即與厥陰俱病，則耳聾囊縮而厥，水漿不入，不知人者，六日死，若三陰三陽，五臟六府，皆受病，則榮衛不行，藏府不通，則死矣。

其不兩感於寒，更不傳經，不加異氣者，至七日太陽病衰，頭痛少愈也，八日陽明病衰，身熱少歇也，九日少陽病衰，耳聾微聞也，十日太陰病衰，腹減如故，則思飲食，十一日少陰病衰，渴止舌乾，已而嚏也，十二日厥陰病衰，囊縱，少腹微下，大氣皆去，病人精神爽慧也。

若過十三日以上不聞，寸尺陷者，大危。

若更感異氣，變爲他病者，當依後壞病證而治之。若脉陰陽俱盛，重感於寒者，變成温瘧，陽脉浮滑，陰脉濡弱者，更遇於風，變爲風温，陽脉洪數，陰脉實大者，更遇温熱，變爲温毒，温毒爲病最重也。陽脉濡弱，陰脉弦緊者，更遇温氣，變爲温疫，以此冬傷於寒，發爲温病，脉之變證，方治如說。

凡人有疾，不時即治，隱忍冀差，以成痼疾，小兒女子，益以滋甚，時氣不和，便當早言，尋其邪由，及在腠理，以時治之，罕有不愈者，患人忍之，數日乃說，邪氣入藏，則難可制，此爲家有患，備慮之要，凡作湯藥，不可避晨夜，覺病須臾，即宜便治，不等早晚，則易愈矣，如或差遲，病即傳變，雖欲除治，必難爲力。

服藥不如方法，縱意違師，不須治之。

凡傷寒之病，多從風寒得之，始表中風寒，入裏則不消矣，未有温覆而當不消散者，不在證治，擬欲攻之，猶當先解表，乃可下之，若表已解，而內不消，非大滿，猶生寒熱，則病不除，若表已解，而內不消，大滿大實，堅有燥屎，自可除下之，雖四五日，不能爲禍也，若不宜下而便攻之，內虛熱入，協熱遂利，煩躁諸變，不可勝數，輕者困篤，重者必死矣。

夫陽盛陰虛，汗之則死，下之則愈，陽虛陰盛，汗之則愈，下之則死，夫如是，則神丹安可以誤發，甘遂何可以妄攻，虛盛之治，相背千里，吉凶之機，應若影響，豈容易哉，况桂枝下咽，陽盛即斃，承氣入胃，陰盛以亡，死生之要，在乎須臾，視身之盡，不暇計日，此陰陽虛實之交錯，其候至微，發汗吐下之相反，其禍至速，而醫術淺狹，懵然不知病源，爲治乃誤，使病者殞沒，自謂其分，至令冤魂塞於冥路，死屍盈於曠野，仁者鑒此，豈不痛歟。

凡兩感病俱作，治有先後，發表攻裏，本自不同，而執迷用意者，乃云神丹甘遂，合而飲之，且解其表，又除其裏，言巧似是，其理實違，夫智者之舉錯也，常審以慎，愚者之動作也，必果而速，安危之變，豈可詭哉，世上之士，但務彼翕習之榮，而莫見此傾危之敗，惟明者居然能護其本，近取諸身，夫何遠之有焉。

凡發汗温煖湯藥，其方雖言日三服，若病劇不解，當促其間，可半日中盡三服，若與病相阻，即便有所覺病重者，一日一夜當晷時觀之，如服一劑，病證猶在，故當復作本湯服之，至有不肯汗出，服三劑乃解，若汗不出者，死病也。

凡得時氣病，至五六日，而渴欲飲水，飲不能多，不當與也，何者，以腹中熱尚少，不能消之，便更與人作病也，至七八日，大渴欲飲水者，猶當依證而與之，與之常令不足，勿極意也，言能飲一斗，與五升，若飲而腹滿，小便不利，若喘若噦，不可與之也，忽然大汗出，是爲自愈也。

凡得病，反能飲水，此爲欲愈之病，其不曉病者，但聞病飲水自愈，小渴者乃強與飲之，因成其禍，不可復數也。

凡得病厥，脉動數，服湯藥更遲，脉浮大減小，初躁後靜，此皆愈證也。

凡治温病，可刺五十九穴。

又身之穴三百六十有五，其三十穴灸之有害，七十九穴刺之爲災，并中髓也。

脉四損，三日死，平人四息，病人脉一至，名曰四損。

脉五損，一日死，平人五息，病人脉一至，名曰五損。

脉六損，一時死，本人六息，病人脉一至，名曰六損。

脉盛身寒，得之傷寒，脉虛身熱，得之傷暑。

脉陰陽俱盛，大汗出不解者死。

脉陰陽俱虛，熱不止者死。

脉至乍數乍疏者死，脉至如轉索，其日死。

讖言妄語，身微熱，脉浮大，手足温者生，逆冷脉沈細者，不過一日死矣。

此以前是傷寒熱病證候也。

◆辨瘧濕喝脉證第四。

傷寒所致太陽病。瘧濕喝。此三種。宜應別論。以爲與傷寒相似。故此見之。

太陽病。發熱無汗。反惡寒者。名曰剛瘧。

太陽病。發熱汗出。而不惡寒。名曰柔瘧。

太陽病。發熱脉沈而細者。名曰瘧。

太陽病。發汗太多。因致瘧。

病身熱足寒。頸項強急。惡寒。時頭熱面赤。目脉赤。獨頭面搖。卒口噤。背反張者。瘧病也。

太陽病。關節疼痛而煩。脉沈而細者。此名濕痺。濕痺之候。其人小便不利。大便反快。但當利其小便。

濕家之爲病。一身盡瘧。發熱。身色如似熏黃。

濕家。其人但頭汗出。背強。欲得被覆向火。若下之早則噦。胸滿。小便不利。舌上如胎者。以丹田有熱。胸中有寒。渴欲得水。而不能飲。口燥煩也。

濕家下之。額上汗出。微喘。小便利者死。若下利不止者。亦死。

問曰。風濕相搏。一身盡瘧。病法當汗出而解。值天陰雨不止。醫云。此可發汗。汗之病不愈者。何也。

答曰。發其汗。汗大出者。但風氣去。濕氣在。是故不愈也。若治風濕者。發其汗。但微微似欲出汗者。風濕俱去也。

濕家病。身上疼痛。發熱面黃而喘。頭痛鼻塞而煩。其脉大。自能飲食。腹中和無病。病在頭中寒濕。故鼻塞。內藥鼻中則愈。

病者一身盡瘧。發熱日晡所劇者。此名風濕。此病傷於汗出當風。或久傷取冷所致也。

太陽中熱者。喝是也。其人汗出惡寒。身熱而渴也。

太陽中喝者。身熱疼重。而脉微弱。此以夏月傷冷水。水行皮中所致也。

太陽中喝者。發熱惡寒。身重而疼痛。其脉弦細芤遲。小便已洒洒然毛聳。手足逆冷。小有勞。身即熱。口開前板齒燥。若發汗則惡寒甚。加溫鍼則發熱甚。數下之則淋甚。

◆辨太陽病脉證并治上第五。

太陽之爲病。脉浮。頭項強痛。而惡寒。

太陽病。發熱汗出。惡風脉緩者。名爲中風。

太陽病。或已發熱。或未發熱。必惡寒。體痛嘔逆。脉陰陽俱緊者。名爲傷寒。

傷寒一日。太陽受之。脉若靜者。爲不傳。頗欲吐。若躁煩。脉數急者。爲傳也。

傷寒二三日。陽明少陽證不見者。爲不傳也。

太陽病。發熱而渴。不惡寒者。爲溫病。若發汗已。身灼熱者。名風溫。風溫爲病。脉陰陽俱浮。自汗出。身重。多眠睡。鼻息必鼾。語言難出。若被下者。小便不利。直視失溲。若被火者。微發黃色。劇則如驚癇時癩。若火熏之。一逆尚引日。再逆促命期。

病有發熱惡寒者。發於陽也。無熱惡寒者。發於陰也。發於陽。七日愈。發於陰。六日愈。以陽數七陰數六故也。

太陽病。頭痛至七日以上自愈者。以行其經盡故也。若欲作再經者。鍼足陽明。使經不傳則愈。

太陽病欲解時。從巳至未上。

風家。表解而不了了者。十二日愈。

病人身大熱。反欲得衣者。熱在皮膚。寒在骨髓也。身大寒。反不欲近衣者。寒在皮膚。熱在骨髓也。

太陽中風。陽浮而陰弱。陽浮者。熱自發。陰弱者。汗自出。嗇嗇惡寒。淅淅惡風。翁翁發熱。鼻鳴乾嘔者。桂枝湯主之。方一。

●桂枝湯方※。

桂枝三兩。去皮。芍藥三兩。甘草二兩。炙。生薑三兩。切。大棗十二枚。擘。

右五味。麻咀三味。以水七升。微火煮取三升。去滓。適寒溫。服一升。服已須臾。飲熱稀粥一升餘。以助藥力。溫覆令一時許。遍身絜絜。微似有汗者益佳。不可令如水流離。病必不除。若一服汗出病差。停後服。不必盡劑。若不汗。更服依前法。

又不汗。後服小促其間。半日許令三服盡。若病重者。一日一夜服。周時觀之。服一劑盡。病證猶在者。更作服。若汗不出。乃服至二三劑。禁生冷粘滑肉麵五辛酒酪臭惡等物。

太陽病。頭痛發熱。汗出惡風。桂枝湯主之。方二。

太陽病。項背強几几。反汗出惡風者。桂枝加葛根湯主之。方三。

●桂枝加葛根湯方※。

葛根四兩。麻黃三兩。去節。芍藥二兩。生薑三兩。切。甘草二兩。炙。大棗十二枚。擘。桂枝二兩。去皮。

右七味。以水一斗。先煮麻黃葛根。減二升。去上沫。內諸藥。煮取三升。去滓。溫服一升。覆取微似汗。不須啜粥。餘如桂枝法。將息及禁忌。

太陽病。下之後。其氣上衝者。可與桂枝湯。方用前法。若不上衝者。不得與之。四。

太陽病三日。已發汗。若吐。若下。若溫鍼。仍不解者。此爲壞病。桂枝不中與之也。觀其脉證。知犯何逆。隨證治之。桂枝本爲解肌。若其人脉浮緊。發熱汗不出者。不可與之也。常須識此勿令誤也。五。

若酒客病。不可與桂枝湯。得之則嘔。以酒客不喜甘故也。

喘家作桂枝湯。加厚朴杏子佳。六。

凡服桂枝湯吐者。其後必吐膿血也。

太陽病。發汗遂漏不止。其人惡風小便難。四肢微急。難以屈伸者。桂枝加附子湯主之。方七。

●桂枝加附子湯方※。

桂枝三兩。去皮。芍藥三兩。甘草三兩。炙。生薑三兩。切。大棗十二枚。擘。附子一枚。炮。去皮。破八片。

右六味。以水七升。煮取三升。去滓。溫服一升。本云。桂枝湯。今加附子。將息如前法。

太陽病。下之後。脈促胸滿者。桂枝去芍藥湯主之。方八。

●桂枝去芍藥湯方※。

桂枝三兩。去皮。甘草二兩。炙。生薑三兩。切。大棗十二枚。擘。

右四味。以水七升。煮取三升。去滓。溫服一升。本云。桂枝湯。今去芍藥。將息如前法。

若微寒者。桂枝去芍藥加附子湯主之。方九。

●桂枝去芍藥加附子湯方※。

桂枝三兩。去皮。甘草二兩。炙。生薑三兩。切。大棗十二枚。擘。附子一枚。炮。去皮。破八片。右五味。以水七升。煮取三升。去滓。溫服一升。本云。桂枝湯。今去芍藥。加附子。將息如前法。

太陽病。得之八九日。如瘧狀發熱惡寒。熱多寒少。其人不嘔。清便欲自可。一日二三度發。脈微緩者。爲欲愈也。脈微而惡寒者。此陰陽俱虛。不可更發汗更下更吐也。面色反有熱色者。未欲解也。以其不能得小汗出。身必痒。宜桂枝麻黃各半湯。方十。

●桂枝麻黃各半湯方※。

桂枝一兩十六銖。去皮。芍藥。生薑切。甘草炙。麻黃各一兩。去節。大棗四枚。擘。杏仁二十四枚。湯浸去皮尖及兩仁者。

右七味。以水五升。先煮麻黃一二沸。去上沫。內諸藥。煮取一升八合。去滓。溫服六合。本云。桂枝湯三合。麻黃湯三合。併爲六合。頓服。將息如上法。

太陽病。初服桂枝湯。反煩不解者。先刺風池風府。却與桂枝湯則愈。十一。

服桂枝湯。大汗出。脈洪大者。與桂枝湯。如前法。若形似瘧。一日再發者。汗出必解。宜桂枝二麻黃一湯。方十二。

●桂枝二麻黃一湯方※。

桂枝一兩十七銖。去皮。芍藥一兩十六銖。麻黃十六銖。去節。生薑一兩六銖。切。杏仁十六箇。去皮尖。甘草一兩二銖。炙。大棗五枚。擘。

右七味。以水五升。先煮麻黃一二沸。去上沫。內諸藥。煮取二升。去滓。溫服一升。日再服。本云。桂枝湯二分。麻黃湯一分。合爲二升。分再服。今合爲一方。將息如前法。

服桂枝湯。大汗出後。大煩渴不解。脈洪大者。白虎加人參湯主之。方十三。

●白虎加人參湯方※。

知母六兩。石膏一斤。碎。綿裹。甘草炙。二兩。粳米六合。人參三兩。

右五味。以水一斗。煮米熟。湯成去滓。溫服一升。日三服。

太陽病。發熱惡寒。熱多寒少。脈微弱者。此無陽也。不可發汗。宜桂枝二越婢一湯。方十四。

●桂枝二越婢一湯方※。

桂枝去皮。芍藥。麻黃。甘草各十八銖。炙。大棗四枚。擘。生薑一兩二銖。切。石膏二十四銖。碎。綿裹。

右七味。以水五升。煮麻黃一二沸。去上沫。內諸藥。煮取二升。去滓。溫服一升。

本云。當裁爲越婢湯桂枝湯。合之飲一升。今合爲一方。桂枝湯二分。越婢湯一分。

服桂枝湯。或下之。仍頭項強痛。翕翕發熱。無汗。心下滿微痛。小便不利者。桂枝去桂加茯苓白朮湯主之。方十五。

●桂枝去桂加茯苓白朮湯方※。

芍藥三兩。甘草二兩。炙。生薑切。白朮。茯苓各三兩。大棗十二枚。擘。

右六味。以水八升。煮取三升。去滓。溫服一升。小便利則愈。本云。桂枝湯。今去桂枝。加茯苓白朮。

傷寒脈浮。自汗出。小便數。心煩。微惡寒。腳攣急。反與桂枝。欲攻其表。此誤也。得之便厥。咽中乾。煩躁吐逆者。作甘草乾薑湯與之。以復其陽。若厥愈足溫者。更作芍藥甘草湯與之。其脚即伸。若胃氣不和讞語者。少與調胃承氣湯。若重發汗。復加燒鍼者。四逆湯主之。方十六。

●甘草乾薑湯方。

甘草四兩。炙。乾薑二兩。

右二味。以水三升。煮取一升五合。去滓。分溫再服。

●芍藥甘草湯方。

白芍藥。甘草各四兩。炙。

右二味。以水三升。煮取一升五合。去滓。分溫再服。

●調胃承氣湯方。

大黃四兩。去皮。清酒洗。甘草二兩。炙。芒消半升。

右三味。以水三升。煮取一升。去滓。內芒消。更上火微煮令沸。少少溫服之。

●四逆湯方。

甘草二兩。炙。乾薑一兩半。附子一枚。生用。去皮。破八片。

右三味。以水三升。煮取一升二合。去滓。分溫再服。強人可大附子一枚。乾薑三兩。

問曰。證象陽旦。按法治之而增劇。厥逆。咽中乾。兩脛拘急而讞語。

師曰。言夜半手足當溫。兩脚當伸。後如師言。何以知此。

荅曰。寸口脈浮而大。浮爲風。大爲虛。風則生微熱。虛則兩脛攣。病形象桂枝。因加附子參其間。增桂令汗出。附子溫經。亡陽故也。厥逆咽中乾。煩躁。陽明內結。讞語煩亂。更飲甘草乾薑湯。夜半陽氣還。兩足當熱。脛尚微拘急。重與芍藥甘草湯。爾乃脛伸。以承氣湯微瀉。則止其讞語。故知病可愈。

◆辨太陽病脈證并治中第六。

太陽病。項背強几几。無汗惡風。葛根湯主之。方一。

●葛根湯方※。

葛根四兩。麻黃三兩。去節。桂枝二兩。去皮。生薑三兩。切。甘草二兩。炙。芍藥二兩。大棗十二枚。擘。

右七味。以水一斗。先煮麻黃葛根。減二升。去白沫。內諸藥。煮取三升。去滓。溫服一升。覆取微似汗。餘如桂枝法。將息及禁忌。諸湯皆倣此。

太陽與陽明合病者。必自下利。葛根湯主之。方二。

太陽與陽明合病。不下利但嘔者。葛根加半夏湯主之。方三。

●葛根加半夏湯方※。

葛根四兩。麻黃三兩。去節。甘草二兩。炙。

芍藥二兩。桂枝二兩。去皮。生薑二兩。切。

半夏半升。先。大棗十二枚。擘。

右八味。以水一斗。先煮葛根麻黃。減二升。去白沫。內諸藥。煮取三升。去滓。溫服一升。覆取微似汗。

太陽病。桂枝證。醫反下之。利遂不止。脈促者。表未解也。喘而汗出者。葛根黃芩黃連湯主之。方四。

●葛根黃芩黃連湯方※。

葛根半斤。甘草二兩。炙。黃芩三兩。

黃連三兩。

右四味。以水八升。先煮葛根。減二升。內諸藥。煮取二升。去滓。分溫再服。

太陽病。頭痛發熱。身疼腰痛。骨節疼痛。惡風無汗而喘者。麻黃湯主之。方五。

●麻黃湯方※。

麻黃三兩。去節。桂枝二兩。去皮。甘草一兩。炙。

杏仁七十箇。去皮尖。

右四味。以水九升。先煮麻黃。減二升。去上沫。內諸藥。煮取二升半。去滓。溫服八合。覆取微似汗。

不須啜粥。餘如桂枝法將息。

太陽與陽明合病。喘而胸滿者。不可下。宜麻黃湯。六。

太陽病。十日以去。脈浮細而嗜臥者。外已解也。設胸滿脇痛者。與小柴胡湯。脈但浮者。與麻黃湯。七。

●小柴胡湯方。

柴胡半斤。黃芩。人參。甘草炙。

生薑各三兩。切。大棗十二枚。擘。半夏半升。洗。

右七味。以水一斗二升。煮取六升。去滓。再煎取三升。溫服一升。日三服。

太陽中風。脈浮緊。發熱惡寒。身疼痛。不汗出而煩躁者。大青龍湯主之。若脈微弱。汗出惡風者。不可服之。服之則厥逆。筋惕肉瞤。此爲逆也。大青龍湯方。八。

●大青龍湯方※。

麻黃六兩。去節。桂枝二兩。去皮。甘草二兩。炙。

杏仁四十枚。去皮尖。生薑三兩。切。大棗十枚。擘。

石膏如雞子大。碎。

右七味。以水九升。先煮麻黃。減二升。去上沫。內諸藥。煮取三升。去滓。溫服一升。取微似汗。汗出多者。溫粉粉之。一服汗者。停後服。若復服。汗多亡陽。遂虛。惡風煩躁。不得眠也。

傷寒脈浮緩。身不疼。但重。乍有輕時。無少陰證者。大青龍湯發之。九。

傷寒表不解。心下有水氣。乾嘔發熱而欬。或渴。或利。或噎。或小便不利。少腹滿。或喘者。小青龍湯主之。方十。

●小青龍湯方※。

麻黃去節。芍藥。細辛。乾薑。

甘草炙。桂枝各三兩。去皮。五味子半升。半夏半升。洗。

右八味。以水一斗。先煮麻黃。減二升。去上沫。內諸藥。煮取三升。去滓。溫服一升。若渴。去半夏。加栝樓根三兩。若微利。去麻黃。加薤花。如一雞子。

熬令赤色。若噎者。去麻黃。加附子一枚。炮。若小便不利。少腹滿者。去麻黃。加茯苓四兩。若喘。去麻黃。加杏仁半升。去皮尖。且薤花不治利。麻黃主喘。今此語反之。疑非仲景意。

傷寒心下有水氣。欬而微喘。發熱不渴。服湯已。渴者。此寒去欲解也。小青龍湯主之。十一。

太陽病。外證未解。脈浮弱者。當以汗解。宜桂枝湯。方十二。

●桂枝湯方※。

桂枝去皮。芍藥。生薑各三兩。切。

甘草二兩。炙。大棗十二枚。擘。

右五味。以水七升。煮取三升。去滓。溫服一升。須臾啜熱稀粥一升。助藥力。取微汗。

太陽病。下之微喘者。表未解故也。桂枝加厚朴杏子湯主之。方十三。

●桂枝加厚朴杏子湯方※。

桂枝三兩。去皮。甘草二兩。炙。生薑三兩。切。

芍藥三兩。大棗十二枚。擘。厚朴二兩。炙。去皮。

杏仁五十枚。去皮尖。

右七味。以水七升。微火煮取三升。去滓。溫服一升。覆取微似汗。

太陽病。外證未解。不可下也。下之爲逆。欲解外者。宜桂枝湯。十四。

太陽病。先發汗不解。而復下之。脈浮者不愈。浮爲在外。而反下之。故令不愈。今脈浮。故在外。當須解外則愈。宜桂枝湯。十五。

太陽病。脈浮緊。無汗發熱。身疼痛。八九日不解。表證仍在。此當發其汗。服藥已微除。其人發煩目瞑。劇者必衄。衄乃解。所以然者。陽氣重故也。麻黃湯主之。十六。

太陽病。脉浮緊。發熱身無汗自衄者愈。

二陽併病。太陽初得病時。發其汗。汗先出不徹。因轉屬陽明。續自微汗出。不惡寒。若太陽病證不罷者。不可下。下之爲逆。如此可小發汗。設面色緣緣正赤者。陽氣怫鬱在表。當解之熏之。若發汗不徹。不足言陽氣怫鬱不得越。當汗不汗。其人躁煩。不知痛處。乍在腹中。乍在四肢。按之不可得。其人短氣但坐。以汗出不徹故也。更發汗則愈。何以知汗出不徹。以脉濇故知也。

脉浮數者。法當汗出而愈。若下之。身重心悸者。不可發汗。當自汗出乃解。所以然者。尺中脉微。此裏虛。須表裏實。津液自和。便自汗出愈。

脉浮緊者。法當身疼痛。宜以汗解之。假令尺中遲者。不可發汗。何以知然。以榮氣不足血少故也。

脉浮者。病在表。可發汗。宜麻黃湯。十七。

脉浮而數者。可發汗。宜麻黃湯。十八。

病常自汗出者。此爲榮氣和。榮氣和者。外不諧。以衛氣不共榮氣諧和故爾。以榮行脉中。衛行脉外。復發其汗。榮衛和則愈。宜桂枝湯。十九。

病人藏無他病。時發熱自汗出。而不愈者。此衛氣不和也。先其時發汗則愈。宜桂枝湯。二十。

傷寒脉浮緊。不發汗。因致衄者。麻黃湯主之。二十一。

傷寒不大便六七日。頭痛有熱者。與承氣湯。其小便清者。知不在裏。仍在表也。當須發汗。若頭痛者必衄。宜桂枝湯。二十二。

傷寒發汗已解。半日許復煩。脉浮數者。可更發汗。宜桂枝湯。二十三。

凡病若發汗。若吐。若下。若亡血。亡津液。陰陽自和者。必自愈。

大下之後。復發汗。小便不利者。亡津液故也。勿治之。得小便利。必自愈。

下之後。復發汗。必振寒脉微細。所以然者。以內外俱虛故也。

下之後。復發汗。晝日煩躁不得眠。夜而安靜。不嘔不渴。無表證。脉沈微。身無大熱者。乾薑附子湯主之。方二十四。

●乾薑附子湯方※。

乾薑一兩。附子一枚。生用。去皮。切八片。

右二味。以水三升。煮取一升。去滓。頓服。

發汗後。身疼痛。脉沈遲者。桂枝加芍藥生薑各一兩人參三兩新加湯主之。方二十五。

●桂枝加芍藥生薑各一兩人參三兩新加湯方※。

桂枝三兩。去皮。芍藥四兩。甘草二兩。炙。

人參三兩。大棗十二枚。擘。生薑四兩。

右六味。以水一斗二升。煮取三升。去滓。溫服一升。本云。桂枝湯。今加芍藥生薑人參。

發汗後。不可更行桂枝湯。汗出而喘。無大熱者。可與麻黃杏仁甘草石膏湯。方二十六。

●麻黃杏仁甘草石膏湯方※。

麻黃四兩。去節。杏仁五十箇。去皮尖。甘草二兩。炙。

石膏半斤。碎。綿裹。

右四味。以水七升。煮麻黃。減二升。去上沫。內諸藥。煮取二升。去滓。溫服一升。本云。黃耳杯。

發汗過多。其人叉手自冒心。心下悸欲得按者。桂枝甘草湯主之。方二十七。

●桂枝甘草湯方※。

桂枝四兩。去皮。甘草二兩。炙。

右二味。以水三升。煮取一升。去滓。頓服。

發汗後。其人臍下悸者。欲作奔豚。茯苓桂枝甘草大棗湯主之。方二十八。

●茯苓桂枝甘草大棗湯方※。

茯苓半斤。桂枝四兩。去皮。甘草二兩。炙。

大棗十五枚。擘。

右四味。以甘欄水一斗。先煮茯苓。減二升。內諸藥。煮取三升。去滓。溫服一升。日三服。

作甘欄水法。取水二斗。置大盆內。以杓揚之。水上有珠子五六千顆相逐。取用之。

發汗後。腹脹滿者。厚朴生薑半夏甘草人參湯主之。方二十九。

●厚朴生薑半夏甘草人參湯方※。

厚朴半斤。炙。去皮。生薑半斤。切。半夏半升。洗。

甘草二兩。人參一兩。

右五味。以水一斗。煮取三升。去滓。溫服一升。日三服。

傷寒若吐若下後。心下逆滿。氣上衝胸。起則頭眩。脉沈緊。發汗則動經。身爲振振搖者。茯苓桂枝白朮甘草湯主之。方三十。

●茯苓桂枝白朮甘草湯方※。

茯苓四兩。桂枝三兩。去皮。白朮。甘草各二兩。炙。

右四味。以水六升。煮取三升。去滓。分溫三服。

發汗病不解。反惡寒者。虛故也。芍藥甘草附子湯主之。方三十一。

●芍藥甘草附子湯方※。

芍藥。甘草各三兩。炙。附子一枚。炮。去皮。破八片。

右三味。以水五升。煮取一升五合。去滓。分溫三服。疑非仲景方。

發汗。若下之。病仍不解。煩躁者。茯苓四逆湯主之。方三十二。

●茯苓四逆湯方※。

茯苓四兩。人參一兩。附子一枚。生用。去皮。破八片。
甘草二兩。炙。乾薑一兩半。
右五味。以水五升。煮取三升。去滓。溫服七合。日二服。

發汗後惡寒者。虛故也。不惡寒但熱者。實也。當和胃氣。與調胃承氣湯。方三十三。

●調胃承氣湯方※。

芒消半升。甘草二兩。炙。大黃四兩。去皮。清酒洗。
右三味。以水三升。煮取一升。去滓。內芒消。更煮兩沸。頓服。

太陽病。發汗後。大汗出。胃中乾。煩躁不得眠。欲得飲水者。少少與飲之。令胃氣和則愈。若脈浮。小便不利。微熱消渴者。五苓散主之。方三十四。

●五苓散方※。

猪苓十八銖。去皮。澤瀉一兩六銖。白朮十八銖。
茯苓十八銖。桂枝半兩。去皮。
右五味。搗爲散。以白飲和。服方寸匕。日三服。多飲煖水。汗出愈。如法將息。

發汗已。脈浮數煩渴者。五苓散主之。三十五。

傷寒汗出而渴者。五苓散主之。不渴者。茯苓甘草湯主之。方三十六。

●茯苓甘草湯方※。

茯苓二兩。桂枝二兩。去皮。甘草一兩。炙。生薑三兩。切。
右四味。以水四升。煮取二升。去滓。分溫三服。

中風發熱。六七日不解而煩。有表裏證。渴欲飲水。水入則吐者。名曰水逆。五苓散主之。三十七。

未持脈時。病人手叉自冒心。師因教試令欬而不欬者。此必兩耳聾無聞也。所以然者。以重發汗虛故如此。發汗後。飲水多必喘。以水灌之亦喘。

發汗後。水藥不得入口爲逆。若更發汗。必吐下不止。發汗吐下後。虛煩不得眠。若劇者。必反覆顛倒。心中懊惱。梔子豉湯主之。若少氣者。梔子甘草豉湯主之。若嘔者。梔子生薑豉湯主之。三十八。

●梔子豉湯方。

梔子十四箇。擘。香豉四合。綿裹。
右二味。以水四升。先煮梔子。得二升半。內豉。煮取一升半。去滓。分爲二服。溫進一服。得吐者止後服。

●梔子甘草豉湯方。

梔子十四箇。擘。甘草二兩。炙。香豉四合。綿裹。
右三味。以水四升。先煮梔子甘草。取二升半。內豉。煮取一升半。去滓。分二服。溫進一服。得吐者止後服。

●梔子生薑豉湯方。

梔子十四箇。擘。生薑五兩。香豉四合。綿裹。

右三味。以水四升。先煮梔子生薑。取二升半。內鼓。煮取一升半。去滓。分二服。溫進一服。得吐者止後服。

發汗若下之。而煩熱胸中窒者。梔子鼓湯主之。三十九。

傷寒五六日。大下之後。身熱不去。心中結痛者。未欲解也。梔子鼓湯主之。四十。

傷寒下後。心煩腹滿。臥起不安者。梔子厚朴湯主之。方四十一。

●梔子厚朴湯方※。

梔子十四箇。擘。厚朴四兩。炙。去皮。枳實四枚。水浸。炙令黃。

右三味。以水三升半。煮取一升半。去滓。分二服。

溫進一服。得吐者止後服。

傷寒。醫以丸藥大下之。身熱不去。微煩者。梔子乾薑湯主之。方四十二。

●梔子乾薑湯方※。

梔子十四箇。擘。乾薑二兩。

右二味。以水三升半。煮取一升半。去滓。分二服。

溫進一服。得吐者止後服。

凡用梔子湯。病人舊微溏者。不可與服之。

太陽病發汗。汗出不解。其人仍發熱。心下悸。頭眩身瞤動。振振欲擗地者。真武湯主之。方四十三。

●真武湯方※。

茯苓。芍藥。生薑各三兩。切。

白朮二兩。附子一枚。炮。去皮。破八片。

右五味。以水八升。煮取三升。去滓。溫服七合。日三服。

咽喉乾燥者。不可發汗。

淋家。不可發汗。發汗必便血。

瘡家。雖身疼痛。不可發汗。汗出則痊。

衄家。不可發汗。汗出必額上陷。脈急緊。直視不能眴不得眠。

亡血家。不可發汗。發汗則寒慄而振。

汗家。重發汗。必恍惚心亂。小便已陰疼。與禹餘糧丸。四十四。

病人有寒。復發汗。胃中冷。必吐蚘。

本發汗，而復下之，此爲逆也。若先發汗，治不爲逆。本先下之，而反汗之，爲逆。若先下之，治不爲逆。

傷寒，醫下之，續得下利，清穀不止，身疼痛者，急當救裏。後身疼痛，清便自調者，急當救表。救裏宜四逆湯。救表宜桂枝湯。四十五。

病發熱頭痛，脉反沈，若不差，身體疼痛，當救其裏。

●四逆湯方。

甘草二兩，炙。乾薑一兩半。附子一枚，生用，去皮，破八片。

右三味，以水三升，煮取一升二合，去滓，分温再服。強人可大附子一枚，乾薑三兩。

太陽病，先下而不愈，因復發汗，以此表裏俱虛，其人因致冒，冒家汗出自愈，所以然者，汗出表和故也。裏未和，然後復下之。

太陽病未解，脉陰陽俱停，必先振慄汗出而解。但陽脉微者，先汗出而解。但陰脉微者，下之而解。若欲下之，宜調胃承氣湯。四十六。

太陽病，發熱汗出者，此爲榮弱衛強，故使汗出。欲救邪風者，宜桂枝湯。四十七。

傷寒五六日中風，往來寒熱，胸脇苦滿，嘿嘿不欲飲食，心煩喜嘔，或胸中煩而不嘔，或渴，或腹中痛，或脇下痞鞭，或心下悸，小便不利，或不渴，身有微熱，或欬者，小柴胡湯主之。方四十八。

●小柴胡湯方※。

柴胡半斤，黃芩三兩，人參三兩。

半夏半升，洗。甘草炙。生薑各三兩，切。

大棗十二枚，擘。

右七味，以水一斗二升，煮取六升，去滓，再煎取三升，温服一升，日三服。若胸中煩而不嘔者，

去半夏人參，加枳椇實一枚。若渴，去半夏，加人參。

合前成四兩半。枳椇根四兩。若腹中痛者，去黃芩，加芍藥三兩。若脇下痞鞭，去大棗，加牡蠣四兩。若心下悸，小便不利者，去黃芩，加茯苓四兩。

若不渴，外有微熱者，去人參，加桂枝三兩。温覆微汗愈。若欬者，去人參大棗生薑，加五味子半升，乾薑二兩。

血弱氣盡，腠理開，邪氣因入，與正氣相搏，結於脇下，正邪分爭，往來寒熱，休作有時，嘿嘿不欲飲食，藏府相連，其痛必下，邪高痛下，故使嘔也。小柴胡湯主之。服柴胡湯已，渴者屬陽明，以法治之。四十九。

得病六七日，脉遲浮弱，惡風寒，手足温，醫二三下之，不能食，而脇下滿痛，面目及身黃，頸項強，小便難者，與柴胡湯。後必下重。本渴飲水而嘔者，柴胡湯不中與也。食穀者噦。

傷寒四五日，身熱惡風，頸項強，脇下滿，手足温而渴者，小柴胡湯主之。五十。

傷寒。陽脉濡。陰脉弦。法當腹中急痛。先與小建中湯。不差者。小柴胡湯主之。五十一。

●小建中湯方。

桂枝三兩。去皮。甘草二兩。炙。大棗十二枚。擘。

芍藥六兩。生薑三兩。切。膠飴一升。

右六味。以水七升。煮取三升。去滓。內飴。更上微火消解。溫服一升。日三服。嘔家不可用建中湯。以甜故也。

傷寒中風。有柴胡證。但見一證便是。不必悉具。凡柴胡湯病證而下之。若柴胡證不罷者。復與柴胡湯。必蒸蒸而振。却復發熱汗出而解。

傷寒二三日。心中悸而煩者。小建中湯主之。五十二。

太陽病。過經十餘日。反二三下之。後四五日。柴胡證仍在者。先與小柴胡。嘔不止。心下急。鬱鬱微煩者。爲未解也。與大柴胡湯下之則愈。方五十三。

●大柴胡湯方※。

柴胡半斤。黃芩三兩。芍藥三兩。

半夏半升。洗。生薑五兩。切。枳實四枚。炙。

大棗十二枚。擘。

右七味。以水一斗二升。煮取六升。去滓再煎。溫服一升。日三服。一方。加大黃二兩。若不加。恐不爲大柴胡湯。

傷寒十三日不解。胸脇滿而嘔。日晡所發潮熱。已而微利。此本柴胡證。下之以不得利。今反利者。知醫以丸藥下之。此非其治也。潮熱者。實也。先宜服小柴胡湯以解外。後以柴胡加芒消湯主之。五十四。

●柴胡加芒消湯方※。

柴胡二兩十六銖。黃芩一兩。人參一兩。

甘草一兩。炙。生薑一兩。切。半夏二十銖。本云。五枚。洗。

大棗四枚。擘。芒消二兩。

右八味。以水四升。煮取二升。去滓。內芒消。更煮微沸。分溫再服。不解更作。

傷寒十三日。過經讖語者。以有熱也。當以傷下之。若小便利者。大便當鞭。而反下利。脉調和者。知醫以丸藥下之。非其治也。若自下利者。脉當微厥。今反和者。此爲內實也。調胃承氣湯主之。五十五。

太陽病不解。熱結膀胱。其人如狂。血自下。下者愈。其外不解者。尚未可攻。當先解其外。外解已。但少腹急結者。乃可攻之。宜桃核承氣湯。方五十六。

●桃核承氣湯方※。

桃仁五十箇。去皮尖。大黃四兩。桂枝二兩。去皮。

甘草二兩。炙。芒消二兩。

右五味。以水七升。煮取二升半。去滓。內芒消。更上火微沸。下火。先食溫服五合。日三服。當微利。

傷寒八九日，下之胸滿煩驚，小便不利，讖語，一身盡重，不可轉側者，柴胡加龍骨牡蠣湯主之，方五十七。

●柴胡加龍骨牡蠣湯方※。

柴胡四兩，龍骨，黃芩，生薑切。

鉛丹，人參，桂枝去皮，茯苓各一兩半。

半夏二合半，洗，大黃二兩，牡蠣一兩半，熬，大棗六枚，擘。

右十二味，以水八升，煮取四升，內大黃，切如碁子，更煮一兩沸，去滓，溫服一升，本云，柴胡湯，今加龍骨等。

傷寒，腹滿讖語，寸口脈浮而緊，此肝乘脾也，名曰縱，刺期門，五十八。

傷寒發熱，齏齏惡寒，大渴欲飲水，其腹必滿，自汗出，小便利，其病欲解，此肝乘肺也，名曰橫，刺期門，五十九。

太陽病二日反躁，凡熨其背，而大汗出，大熱入胃，胃中水竭，躁煩必發讖語，十餘日振慄自下利者，此爲欲解也，故其汗從腰以下不得汗，欲小便不得，反嘔欲矢溲，足下惡風，大便鞭，小便當數，而反不數，及不多，大便已，頭卓然而痛，其人足心必熱，穀氣下流故也。

太陽病中風，以火劫發汗，邪風被火熱，血氣流溢，失其常度，兩陽相熏灼，其身發黃，陽盛則欲衄，陰虛小便難，陰陽俱虛竭，身體則枯燥，但頭汗出，劑頸而還，腹滿微喘，口乾咽爛，或不大便，久則讖語，甚者至噦，手足躁擾，捻衣摸床，小便利者，其人可治。

傷寒脈浮，醫以火迫劫之，亡陽必驚狂，臥起不安者，桂枝去芍藥加蜀漆牡蠣龍骨救逆湯主之，方六十。

●桂枝去芍藥加蜀漆牡蠣龍骨救逆湯方※。

桂枝三兩，去皮，甘草二兩，炙，生薑三兩，切。

大棗十二枚，擘，牡蠣五兩，熬，蜀漆三兩，洗去腥。

龍骨四兩。

右七味，以水一斗二升，先煮蜀漆，減二升，內諸藥，煮取三升，去滓，溫服一升，本云，桂枝湯，今去芍藥，加蜀漆牡蠣龍骨。

形作傷寒，其脈不弦緊而弱，弱者必渴，被火必讖語，弱者發熱脈浮，解之當汗出愈。

太陽病以火熏之，不得汗，其人必躁，到經不解，必清血，名爲火邪。

脈浮熱甚，而反灸之，此爲實，實以虛治，因火而動，必咽燥吐血。

微數之脈，慎不可灸，因火爲邪，則爲煩逆，追虛逐實，血散脈中，火氣雖微，內攻有力，焦骨傷筋，血難復也，脈浮，宜以汗解，用火灸之，邪無從出，因火而盛，病從腰以下，必重而痺，名火逆也，欲自解者，必當先煩，煩乃有汗而解，何以知之，脈浮故知汗出解。

燒鍼令其汗。鍼處被寒。核起而赤者。必發奔豚。氣從少腹上衝心者。灸其核上各一壯。與桂枝加桂湯。更加桂二兩也。方六十一。

●桂枝加桂湯方※。

桂枝五兩。去皮。芍藥三兩。生薑三兩。切。

甘草二兩。炙。大棗十二枚。擘。

右五味。以水七升。煮取三升。去滓。溫服一升。本云。桂枝湯。今加桂滿五兩。所以加桂者。以能泄奔豚氣也。

火逆下之。因燒鍼煩躁者。桂枝甘草龍骨牡蠣湯主之。方六十二。

●桂枝甘草龍骨牡蠣湯方※。

桂枝一兩。去皮。甘草二兩。炙。牡蠣二兩。熬。

龍骨二兩。

右四味。以水五升。煮取二升半。去滓。溫服八合。

日三服。

太陽傷寒者。加溫鍼必驚也。

太陽病。當惡寒發熱。今自汗出。反不惡寒發熱。關上脈細數者。以醫吐之過也。一二日吐之者。腹中飢。口不能食。三四日吐之者。不喜糜粥。欲食冷食。朝食暮吐。以醫吐之所致也。此為小逆。

太陽病吐之。但太陽病當惡寒。今反不惡寒。不欲近衣。此為吐之內煩也。

病人脈數。數為熱。當消穀引食。而反吐者。此以發汗。令陽氣微。膈氣虛。脈乃數也。數為客熱。不能消穀。以胃中虛冷。故吐也。

太陽病。過經十餘日。心下溫溫欲吐。而胸中痛。大便反澹。腹微滿。鬱鬱微煩。先此時自極吐下者。與調胃承氣湯。若不爾者。不可與。但欲嘔。胸中痛微澹者。此非柴胡湯證。以嘔故知極吐下也。調胃承氣湯。六十三。

太陽病六七日表證仍在。脈微而沈。反不結胸。其人發狂者。以熱在下焦。少腹當鞭滿。小便自利者。下血乃愈。所以然者。以太陽隨經。瘀熱在裏故也。抵當湯主之。方六十四。

●抵當湯方※。

水蛭熬。蟲蟲各三十箇。去翅足。熬。桃仁二十箇。去皮尖。

大黃三兩。酒洗。

右四味。以水五升。煮取三升。去滓。溫服一升。不下更服。

太陽病身黃。脈沈結。少腹鞭。小便不利者。為無血也。小便自利。其人如狂者。血證諦也。抵當湯主之。六十五。

傷寒有熱。少腹滿。應小便不利。今反利者。為有血也。當下之。不可餘藥。宜抵當丸。方六十六。

●抵當丸方※。

水蛭二十箇。熬。蟲蟲二十箇。去翅足。熬。桃仁二十五箇。去皮尖。

大黃三兩。

右四味。搗分四丸。以水一升。煮一丸。取七合服之。晬時當下血。若不下者更服。

太陽病。小便利者。以飲水多。必心下悸。小便少者。必苦裏急也。

◆辨太陽病脉證并治下第七。

問曰。病有結胸。有藏結。其狀何如。

答曰。按之痛。寸脉浮。關脉沈。名曰結胸也。

何謂藏結。

答曰。如結胸狀。飲食如故。時時下利。寸脉浮。關脉小細沈緊。名曰藏結。舌上白胎滑者。難治。

藏結無陽證。不往來寒熱。其人反靜。舌上胎滑者。不可攻也。

病發於陽。而反下之。熱入因作結胸。病發於陰。而反下之。因作痞也。所以成結胸者。以下之太早故也。結胸者。項亦強。如柔瘕狀。下之則和。宜大陷胸丸。方一。

●大陷胸丸方※。

大黃半斤。葶藶子半升。熬。芒消半升。

杏仁半升。去皮尖。熬黑。

右四味。搗篩二味。內杏仁芒消。合研如脂。和散。

取如彈丸一枚。別搗甘遂末一錢匕。白蜜二合。

水二升。煮取一升。溫頓服之。一宿乃下。如不下更服。取下爲效。禁如藥法。

結胸證。其脉浮大者。不可下。下之則死。

結胸證悉具。煩躁者亦死。

太陽病。脉浮而動數。浮則爲風。數則爲熱。動則爲痛。數則爲虛。頭痛發熱。微盜汗出。而反惡寒者。表未解也。醫反下之。動數變遲。膈內拒痛。胃中空虛。客氣動膈。短氣躁煩。心中懊憹。陽氣內陷。心下因鞭。則爲結胸。大陷胸湯主之。若不結胸。但頭汗出。餘處無汗。劑頸而還。小便不利。身必發黃。

大陷胸湯。方二。

●大陷胸湯方※。

大黃六兩。去皮。芒消一升。甘遂一錢匕。

右三味。以水六升。先煮大黃取二升。去滓。內芒消。煮一兩沸。內甘遂末。溫服一升。得快利止後服。

傷寒六七日。結胸熱實。脉沈而緊。心下痛。按之石鞭者。大陷胸湯主之。三。

傷寒十餘日，熱結在裏，復往來寒熱者，與大柴胡湯。但結胸無大熱者，此爲水結在胸脇也，但頭微汗出者，大陷胸湯主之。四。

●大柴胡湯方。

柴胡半斤，枳實四枚，炙，生薑五兩，切。

黃芩三兩，芍藥三兩，半夏半升，洗。

大棗十二枚，擘。

右七味，以水一斗二升，煮取六升，去滓再煎，溫服一升，日三服。一方加大黃二兩，若不加，恐不名大柴胡湯。

太陽病，重發汗而復下之，不大便五六日，舌上燥而渴，日晡所小有潮熱，從心下至少腹鞭滿，而痛不可近者，大陷胸湯主之。五。

小結胸病，正在心下，按之則痛，脈浮滑者，小陷胸湯主之。方六。

●小陷胸湯方※。

黃連一兩，半夏半升，洗，栝樓實大者一枚。

右三味，以水六升，先煮栝樓，取三升，去滓，內諸藥，煮取二升，去滓，分溫三服。

太陽病，二三日，不能臥，但欲起，心下必結，脈微弱者，此本有寒分也，反下之，若利止，必作結胸，未止者，四日復下之，此作協熱利也。

太陽病，下之其脈促，不結胸者，此爲欲解也。脈浮者，必結胸。脈緊者，必咽痛。脈弦者，必兩脇拘急。脈細數者，頭痛未止。脈沈緊者，必欲嘔。脈沈滑者，協熱利。脈浮滑者，必下血。

病在陽，應以汗解之，反以冷水澀之，若灌之，其熱被劫不得去，彌更益煩，肉上粟起，意欲飲水，反不渴者，服文蛤散。若不差者，與五苓散。寒實結胸，無熱證者，與三物小陷胸湯。

白散亦可服。七。

●文蛤散方。

文蛤五兩。

右一味爲散，以沸湯和一方寸匕服，湯用五合。

●五苓散方。

豬苓十八銖，去黑皮，白朮十八銖，澤瀉一兩六銖。

茯苓十八銖，桂枝半兩，去皮。

右五味爲散，更於臼中杵之，白飲和方寸匕服之，日三服，多飲煖水汗出愈。

●白散方。

桔梗三分，巴豆一分，去皮心，熬黑，研如脂，貝母三分。

右三味爲散，內巴豆，更於臼中杵之，以白飲和服，強人半錢匕，羸者減之，病在膈上必吐，在膈下必利，不利進熱粥一杯，利過不止，進冷粥一杯，身熱皮粟不解，欲引衣自覆，若以水澀之洗之，益令熱劫不得出，當汗而不汗則煩，假令汗出已，腹中痛，與芍藥三兩如上法。

太陽與少陽併病，頭項強痛，或眩冒，時如結胸，心下痞鞭者，當刺大椎第一間，肺愈肝愈，慎不可發汗，發汗則譫語脈弦，五日譫語不止，當刺期門。八。

婦人中風，發熱惡寒，經水適來，得之七八日，熱除而脉遲身涼，胸脇下滿，如結胸狀，讖語者，此爲熱入血室也，當刺期門，隨其實而取之，九。

婦人中風，七八日續得寒熱，發作有時，經水適斷者，此爲熱入血室，其血必結，故使如瘧狀發作有時，小柴胡湯主之，方十。

●小柴胡湯方※。

柴胡半斤，黃芩三兩，人參三兩。

半夏半升，洗，甘草三兩，生薑三兩，切。

大棗十二枚，擘。

右七味，以水一斗二升，煮取六升，去滓，再煎取三升，溫服一升，日三服。

婦人傷寒，發熱，經水適來，晝日明了，暮則讖語如見鬼狀者，此爲熱入血室，無犯胃氣，及上二焦，必自愈，十一。

傷寒六七日，發熱微惡寒，支節煩疼，微嘔，心下支結，外證未去者，柴胡桂枝湯主之，方十二。

●柴胡桂枝湯方※。

桂枝去皮，黃芩一兩半，人參一兩半。

甘草一兩，炙，半夏二合半，洗，芍藥一兩半。

大棗六枚，擘，生薑一兩半，切，柴胡四兩。

右九味，以水七升，煮取三升，去滓，溫服一升，本云，人參湯，作如桂枝法，加半夏柴胡黃芩，復如柴胡法，今用人參作半劑。

傷寒五六日，已發汗而復下之，胸脇滿微結，小便不利，渴而不嘔，但頭汗出，往來寒熱，心煩者，此爲未解也，柴胡桂枝乾薑湯主之，方十三。

●柴胡桂枝乾薑湯方※。

柴胡半斤，桂枝三兩，去皮，乾薑二兩。

栝樓根四兩，黃芩三兩，牡蠣二兩，熬。

甘草二兩，炙。

右七味，以水一斗二升，煮取六升，去滓，再煎取三升，溫服一升，日三服，初服微煩，復服汗出便愈。

傷寒五六日，頭汗出，微惡寒，手足冷，心下滿，口不欲食，大便鞭，脉細者，此爲陽微結，必有表，復有裏也，脉沈亦在裏也，汗出爲陽微，假令純陰結，不得復有外證，悉入在裏，此爲半在裏半在外也，脉雖沈緊，不得爲少陰病，所以然者，陰不得有汗，今頭汗出，故知非少陰也，可與小柴胡湯，設不了了者，得屎而解，十四。

傷寒五六日，嘔而發熱者，柴胡湯證具，而以他藥下之，柴胡證仍在者，復與柴胡湯，此雖已下之，不爲逆，必蒸蒸而振，却發熱汗出而解，若心下滿而鞭痛者，此爲結胸也，大陷胸湯主之，但滿而不痛者，此爲痞，柴胡不中與之，宜半夏瀉心湯，方十五。

●半夏瀉心湯方※。

半夏半升，洗，黃芩，乾薑，人參。

甘草炙。各三兩。黃連一兩。大棗十二枚。擘。
右七味。以水一斗。煮取六升。去滓。再煎取三升。
溫服一升。日三服。須大陷胸湯者。方用前第二法。

太陽少陽併病。而反下之。成結胸。心下鞭。下利不止。水漿不下。其人心煩。

脈浮而緊。而復下之。緊反入裏。則作痞。按之自濡。但氣痞耳。

太陽中風。下利嘔逆。表解者。乃可攻之。其人熱汗出。發作有時。頭痛。心下痞鞭滿。引脇下痛。乾嘔短氣。汗出不惡寒者。此表解裏未和也。十棗湯主之。方十六。

●十棗湯方※。

芫花熬。甘遂。大葶。

右三味等分。各別擣爲散。以水一升半。先煮大棗肥者十枚。取八合。去滓。內藥末。強人服一錢匕。羸人服半錢。溫服之。平旦服。若下少病不除者。明日更服。加半錢。得快下利後。糜粥自養。

太陽病。醫發汗。遂發熱惡寒。因復下之。心下痞。表裏俱虛。陰陽氣並竭。無陽則陰獨。復加燒鍼。因胸煩。面色青黃。膚濇者。難治。今色微黃。手足溫者。易愈。

心下痞。按之濡。其脈關上浮者。大黃黃連瀉心湯主之。方十七。

●大黃黃連瀉心湯方※。

大黃二兩。黃連一兩。

右二味。以麻沸湯二升漬之。須臾絞去滓。分溫再服。

心下痞。而復惡寒汗出者。附子瀉心湯主之。方十八。

●附子瀉心湯方※。

大黃二兩。黃連一兩。黃芩一兩。

附子一枚。炮。去皮破。別煮取汁。

右四味。切三味。以麻沸湯二升漬之。須臾絞去滓。內附子汁。分溫再服。

本以下之。故心下痞。與瀉心湯。痞不解。其人渴而口燥煩。小便不利者。五苓散主之。十九。一方云。忍之一日乃愈。

傷寒汗出解之後。胃中不和。心下痞鞭。乾噫食臭。脇下有水氣。腹中雷鳴下利者。生薑瀉心湯主之。方二十。

●生薑瀉心湯方※。

生薑四兩。切。甘草三兩。炙。人參三兩。

乾薑一兩。黃芩三兩。半夏半升。洗。

黃連一兩。大棗十二枚。擘。

右八味。以水一斗。煮取六升。去滓。再煎取三升。

溫服一升。日三服。附子瀉心湯。本云。加附子。半夏瀉心湯。甘草瀉心湯。同體別名耳。生薑瀉心湯。本云。理中人參黃芩湯。去桂枝朮。加黃連。并瀉肝法。

傷寒中風。醫反下之。其人下利日數十行。穀不化。腹中雷鳴。心下痞鞭而滿。乾嘔心煩不得安。醫見心下痞。謂病不盡。復下之。其痞益甚。此非結熱。但以胃中虛。客氣上逆。故使鞭也。甘草瀉心湯主之。方二十一。

●甘草瀉心湯方※。

甘草四兩。炙。黃芩三兩。乾薑三兩。
半夏半升。洗。大棗十二枚。擘。黃連一兩。
右六味。以水一斗。煮取六升。去滓。再煎取三升。
溫服一升。日三服。

傷寒服湯藥。下利不止。心下痞鞭。服瀉心湯已。復以他藥下之。利不止。醫以理中與之。利益甚。理中者。理中焦。此利在下焦。赤石脂禹餘糧湯主之。復不止者。當利其小便。赤石脂禹餘糧湯。方二十二。

●赤石脂禹餘糧湯方※。

赤石脂一斤。碎。太一禹餘糧一斤。碎。
右二味。以水六升。煮取二升。去滓。分溫三服。

傷寒吐下後。發汗。虛煩。脈甚微。八九日心下痞鞭。脇下痛。氣上衝咽喉。眩冒。經脈動惕者。久而成痿。

傷寒發汗。若吐若下。解後心下痞鞭。噫氣不除者。
旋復代赭湯主之。方二十三。

●旋復代赭湯方※。

旋復花三兩。人參二兩。生薑五兩。
代赭一兩。甘草三兩。炙。半夏半升。洗。
大棗十二枚。擘。
右七味。以水一斗。煮取六升。去滓。再煎取三升。
溫服一升。日三服。

下後不可更行桂枝湯。若汗出而喘。無大熱者。可與麻黃杏子甘草石膏湯。方二十四。

●麻黃杏子甘草石膏湯方※。

麻黃四兩。杏仁五十箇。去皮尖。甘草二兩。炙。
石膏半斤。碎。綿裹。
右四味。以水七升。先煮麻黃。減二升。去白沫。內諸藥。煮取三升。去滓。溫服一升。本云。黃耳杯。

太陽病。外證未除。而數下之。遂協熱而利。利下不止。心下痞鞭。表裏不解者。桂枝人參湯主之。方二十五。

●桂枝人參湯方※。

桂枝四兩。別切。甘草四兩。炙。白朮三兩。
人參三兩。乾薑三兩。
右五味。以水九升。先煮四味。取五升。內桂。更煮取三升。去滓。溫服一升。日再夜一服。

傷寒大下後，復發汗，心下痞惡寒者，表未解也，不可攻痞，當先解表，表解乃可攻痞，解表宜桂枝湯，攻痞宜大黃黃連瀉心湯，二十六。

傷寒發熱，汗出不解，心中痞鞭，嘔吐而下利者，大柴胡湯主之，二十七。

病如桂枝證，頭不痛，項不強，寸脉微浮，胸中痞鞭，氣上衝喉咽，不得息者，此爲胸有寒也，當吐之，宜瓜蒂散，方二十八。

●瓜蒂散方※。

瓜蒂一分，熬黃，赤小豆一分。

右二味，各別搗篩，爲散已，合治之，取一錢匕，以香豉一合，用熱湯七合，煮作稀糜，去滓，取汁和散，溫頓服之，不吐者，少少加，得快吐乃止，諸亡血虛家，不可與瓜蒂散。

病脇下素有痞，連在臍傍，痛引少腹，入陰筋者，此名藏結，死，二十九。

傷寒若吐若下後，七八日不解，熱結在裏，表裏俱熱，時時惡風，大渴，舌上乾燥而煩，欲飲水數升者，白虎加人參湯主之，方三十。

●白虎加人參湯方※。

知母六兩，石膏一斤，碎，甘草二兩，炙。

人參二兩，粳米六合。

右五味，以水一斗，煮米熟，湯成去滓，溫服一升。

日三服，此方立夏後立秋前，乃可服，立秋後不可服，正月二月三月尚凜冷，亦不可與服之，與之則嘔利而腹痛，諸亡血虛家，亦不可與，得之則腹痛利者，但可溫之，當愈。

傷寒無大熱，口燥渴，心煩，背微惡寒者，白虎加人參湯主之，三十一。

傷寒脉浮，發熱無汗，其表不解，不可與白虎湯，渴欲飲水，無表證者，白虎加人參湯主之，三十二。

太陽少陽併病，心下鞭，頸項強而眩者，當刺大椎肺俞肝俞，慎勿下之，三十三。

太陽與少陽合病，自下利者，與黃芩湯，若嘔者，黃芩加半夏生薑湯主之，三十四。

●黃芩湯方。

黃芩三兩，芍藥二兩，甘草二兩，炙，大棗十二枚，擘。

右四味，以水一斗，煮取三升，去滓，溫服一升，日再夜一服。

●黃芩加半夏生薑湯方。

黃芩三兩，芍藥二兩，甘草二兩，炙，大棗十二枚，擘。

半夏半升，洗，生薑一兩半，一方，三兩，切。

右六味，以水一斗，煮取三升，去滓，溫服一升，日再夜一服。

傷寒胸中有熱，胃中有邪氣，腹中痛，欲嘔吐者，黃連湯主之，方三十五。

●黃連湯方※。

黃連三兩，甘草三兩，炙，乾薑三兩，桂枝三兩，去皮。

人參二兩。半夏半升。洗。大棗十二枚。擘。
右七味。以水一斗。煮取六升。去滓。溫服。晝三夜二。疑非仲景方。

傷寒八九日。風濕相搏。身體疼煩。不能自轉側。不嘔不渴。脈浮虛而澀者。桂枝附子湯主之。若其人大便鞭。小便自利者。去桂加白朮湯主之。三十六。

●桂枝附子湯方。

桂枝四兩。去皮。附子三枚。炮。去皮破。生薑三兩。切。
大棗十二枚。擘。甘草二兩。炙。
右五味。以水六升。煮取二升。去滓。分溫三服。

●去桂加白朮湯方。

附子三枚。炮。去皮破。白朮四兩。生薑三兩。切。
甘草二兩。炙。大棗十二枚。擘。
右五味。以水六升。煮取二升。去滓。分溫三服。初一服。其人身如痺。半日許復服之。三服都盡。其人如冒狀。勿怪。此以附子朮。併走皮內。逐水氣未得除。故使之耳。法當加桂四兩。此本一方二法。以大便鞭。小便自利。去桂也。以大便不鞭。小便不利。當加桂。附子三枚恐多也。虛弱家及產婦。宜減服之。

風濕相搏。骨節疼煩。掣痛不得屈伸。近之則痛劇。汗出短氣。小便不利。惡風不欲去衣。或身微腫者。甘草附子湯主之。方三十七。

●甘草附子湯方※。

甘草二兩。炙。附子二枚。炮。去皮破。白朮二兩。
桂枝四兩。去皮。
右四味。以水六升。煮取三升。去滓。溫服一升。日三服。初服得微汗則解。能食汗止復煩者。將服五合。恐一升多者。宜服六七合爲始。

傷寒脈浮滑。此以表有熱。裏有寒。白虎湯主之。方三十八。

●白虎湯方※。

知母六兩。石膏一斤。碎。甘草二兩。炙。
粳米六合。
右四味。以水一斗。煮米熟。湯成去滓。溫服一升。
日三服。

傷寒脈結代。心動悸。炙甘草湯主之。方三十九。

●炙甘草湯方※。

甘草四兩。炙。生薑三兩。切。人參二兩。
生地黄一斤。桂枝三兩。去皮。阿膠二兩。
麥門冬半升。去心。麻仁半升。大棗三十枚。擘。
右九味。以清酒七升。水八升。先煮八味。取三升。
去滓。內膠烱消盡。溫服一升。日三服。一名復脈湯。

脈按之來緩。時一止復來者。名曰結。又脈來動而中止。更來小數。中有還者反動。名曰結。陰也。脈來動而中止。不能自還。因而復動者。名曰代。陰也。得此脈者。必難治。

◆辨陽明病脉證并治第八。

問曰。病有太陽陽明。有正陽陽明。有少陽陽明。何謂也。

答曰。太陽陽明者。脾約是也。正陽陽明者。胃家實是也。少陽陽明者。發汗利小便已。胃中燥煩實。大便難是也。

陽明之爲病。胃家實是也。

問曰。何緣得陽明病。

答曰。太陽病。若發汗。若下。若利小便。此亡津液。胃中乾燥。因轉屬陽明。不更衣。內實大便難者。此名陽明也。

問曰。陽明病外證云何。

答曰。身熱汗自出。不惡寒反惡熱也。

問曰。病有得之一日。不發熱而惡寒者。何也。

答曰。雖得之一日。惡寒將自罷。即自汗出而惡熱也。

問曰。惡寒何故自罷。

答曰。陽明居中。主土也。萬物所歸。無所復傳。始雖惡寒。二日自止。此爲陽明病也。

本太陽。初得病時。發其汗。汗先出不徹。因轉屬陽明也。傷寒發熱。無汗。嘔不能食。而反汗出濇濇然者。是轉屬陽明也。

傷寒三日。陽明脉大。

傷寒脉浮而緩。手足自溫者。是爲繫在太陰。太陰者。身當發黃。若小便自利者。不能發黃。至七八日大便鞭者。爲陽明病也。

傷寒轉繫陽明者。其人濇然微汗出也。

陽明中風。口苦咽乾。腹滿微喘。發熱惡寒。脉浮而緊。若下之則腹滿小便難也。

陽明病。若能食。名中風。不能食。名中寒。

陽明病。若中寒者。不能食。小便不利。手足濇然汗出。此欲作固瘕。必大便初鞭後溏。所以然者。以胃中冷。水穀不別故也。

陽明病。初欲食。小便反不利。大便自調。其人骨節疼。翕翕如有熱狀。奄然發狂。濺然汗出而解者。此水不勝穀氣。與汗共并。脉緊則愈。

陽明病。欲解時。從申至戌上。

陽明病。不能食。攻其熱必噦。所以然者。胃中虛冷故也。以其人本虛。攻其熱必噦。

陽明病。脉遲。食難用飽。飽則微煩頭眩。必小便難。此欲作穀瘕。雖下之腹滿如故。所以然者。脉遲故也。

陽明病。法多汗。反無汗。其身如蟲行皮中狀者。此以久虛故也。

陽明病。反無汗。而小便利。二三日嘔而欬。手足厥者。必苦頭痛。若不欬不嘔。手足不厥者。頭不痛。

陽明病。但頭眩不惡寒。故能食而欬。其人咽必痛。若不欬者。咽不痛。

陽明病。無汗。小便不利。心中懊懣者。身必發黃。

陽明病。被火。額上微汗出。而小便不利者。必發黃。

陽明病。脉浮而緊者。必潮熱發作有時。但浮者。必盜汗出。

陽明病。口燥但欲漱水。不欲嚥者。此必衄。

陽明病。本自汗出。醫更重發汗。病已差。尚微煩不了了者。此必大便鞭故也。以亡津液胃中乾燥。故令大便鞭。當問其小便日幾行。若本小便日三四行。今日再行。故知大便不久出。今為小便數少。以津液當還入胃中。故知不久必大便也。

傷寒嘔多。雖有陽明證。不可攻之。

陽明病。心下鞭滿者。不可攻之。攻之利遂不止者死。利止者愈。

陽明病。面合色赤。不可攻之。必發熱。色黃者。小便不利也。

陽明病。不吐不下。心煩者。可與調胃承氣湯。方一。

●調胃承氣湯方※。

甘草二兩。炙。芒消半升。大黃四兩。清酒洗。

右三味。切。以水三升。煮二物至一升。去滓。內芒消。更上微火一二沸。溫頓服之。以調胃氣。

陽明病。脉遲。雖汗出不惡寒者。其身必重。短氣腹滿而喘。有潮熱者。此外欲解。可攻裏也。手足濇然汗出者。此大便已鞭也。大承氣湯主之。若汗多。微發熱惡寒者。外未解也。其熱不潮。未可與承氣湯。若腹大滿不通者。可與小承氣湯。微和胃氣。勿令至大泄下。大承氣湯。方二。

●大承氣湯方※。

大黃四兩。酒洗。厚朴半斤。炙。去皮。枳實五枚。炙。芒消三合。

右四味。以水一斗。先煮二物。取五升。去滓。內大黃。更煮取二升。去滓。內芒消。更上微火一兩沸。分溫再服。得下餘勿服。

●小承氣湯方。

大黃四兩。酒洗。厚朴二兩。炙。去皮。枳實三枚。大者。炙。

右三味。以水四升。煮取一升二合。去滓。分溫二服。初服湯當更衣。不爾者盡飲之。若更衣者。勿服之。

陽明病。潮熱。大便微鞭者。可與大承氣湯。不鞭者。

不可與之。若不大便六七日。恐有燥屎。欲知之法。少與小承氣湯。湯入腹中。轉失氣者。此有燥屎也。乃可攻之。若不轉失氣者。此但初頭鞭。後必澹。不可攻之。攻之必脹滿不能食也。欲飲水者。與水則噦。其後發熱者。必大便復鞭而少也。以小承氣湯和之。不轉失氣者。慎不可攻也。小承氣湯。三。

夫實則讞語。虛則鄭聲。鄭聲者。重語也。直視讞語。喘滿者死。下利者亦死。

發汗多。若重發汗者。亡其陽。讞語。脉短者死。脉自和者不死。

傷寒若吐若下後不解。不大便五六日。上至十餘日。日晡所發潮熱。不惡寒。獨語如見鬼狀。若劇者。發則不識人。循衣摸牀。惕而不安。微喘直視。脉弦者生。濇者死。微者。但發熱讞語者。大承氣湯主之。若一服利。則止後服。四。

陽明病。其人多汗。以津液外出。胃中燥。大便必鞭。鞭則讞語。小承氣湯主之。若一服讞語止者。更莫復服。五。

陽明病。讞語發潮熱。脉滑而疾者。小承氣湯主之。因與承氣湯一升。腹中轉氣者。更服一升。若不轉氣者。勿更與之。明日又不大便。脉反微濇者。裏虛也。爲難治。不可更與承氣湯也。六。

陽明病。讞語有潮熱。反不能食者。胃中必有燥屎五六枚也。若能食者。但鞭耳。宜大承氣湯下之。七。

陽明病。下血讞語者。此爲熱入血室。但頭汗出者。刺期門。隨其實而寫之。濇然汗出則愈。

汗出讞語者。以有燥屎在胃中。此爲風也。須下者。過經乃可下之。下之若早。語言必亂。以表虛裏實故也。下之愈。宜大承氣湯。八。

傷寒四五日。脉沈而喘滿。沈爲在裏。而反發其汗。津液越出。大便爲難。表虛裏實。久則讞語。

三陽合病。腹滿。身重。難以轉側。口不仁面垢。讞語遺尿。發汗則讞語。下之則額上生汗。手足逆冷。若自汗出者。白虎湯主之。方九。

●白虎湯方※。

知母六兩。石膏一斤。碎。甘草二兩。炙。

粳米六合。

右四味。以水一斗。煮米熟。湯成去滓。溫服一升。

日三服。

二陽併病。太陽證罷。但發潮熱。手足熱汗出。大便難而讞語者。下之則愈。宜大承氣湯。十。

陽明病。脈浮而緊。咽燥口苦。腹滿而喘。發熱汗出。不惡寒反惡熱。身重。若發汗則躁。心憤憤反讞語。若加溫鍼。必怵惕煩躁不得眠。若下之。則胃中空虛。客氣動膈。心中懊惱。舌上胎者。梔子豉湯主之。方十一。

●梔子豉湯方※。

肥梔子十四枚。擘。香豉四合。綿裹。

右二味。以水四升。煮梔子取二升半。去滓。內豉。

更煮取一升半。去滓。分二服。溫進一服。得快吐者。止後服。

若渴欲飲水。口乾舌燥者。白虎加人參湯主之。方十二。

●白虎加人參湯方※。

知母六兩。石膏一斤。碎。甘草二兩。炙。

粳米六合。人參三兩。

右五味。以水一斗。煮米熟。湯成去滓。溫服一升。

日三服。

若脈浮發熱。渴欲飲水。小便不利者。猪苓湯主之。方十三。

●猪苓湯方※。

猪苓去皮。茯苓。澤瀉。阿膠。

滑石碎。各一兩。

右五味。以水四升。先煮四味。取二升。去滓。內阿膠烱消。溫服七合。日三服。

陽明病。汗出多而渴者。不可與猪苓湯。以汗多胃中燥。猪苓湯復利其小便故也。

脈浮而遲。表熱裏寒。下利清穀者。四逆湯主之。方十四。

●四逆湯方※。

甘草二兩。炙。乾薑一兩半。附子一枚。生用。去皮。破八片。

右三味。以水三升。煮取一升二合。去滓。分溫二服。強人可大附子一枚。乾薑三兩。

若胃中虛冷。不能食者。飲水則噦。

脈浮發熱。口乾鼻燥。能食者。則衄。

陽明病。下之。其外有熱。手足溫。不結胸。心中懊憹。飢不能食。但頭汗出者。梔子鼓湯主之。十五。

陽明病。發潮熱。大便溏。小便自可。胸脇滿不去者。與小柴胡湯。方十六。

●小柴胡湯方※。

柴胡半斤。黃芩三兩。人參三兩。

半夏半升。洗。甘草三兩。炙。生薑三兩。切。

大棗十二枚。擘。

右七味。以水一斗二升。煮取六升。去滓。再煎取三升。溫服一升。日三服。

陽明病。脇下鞭滿。不大便。而嘔。舌上白胎者。可與小柴胡湯。上焦得通。津液得下。胃氣因和。身濈然汗出而解。十七。

陽明中風。脈弦浮大。而短氣。腹都滿。脇下及心痛。久按之氣不通。鼻乾不得汗。嗜臥。一身及目悉黃。小便難。有潮熱。時時噦。耳前後腫。刺之小差。外不解。病過十日。脈續浮者。與小柴胡湯。十八。

脈但浮。無餘證者。與麻黃湯。若不尿。腹滿加噦者。不治。麻黃湯。方十九。

●麻黃湯方※。

麻黃三兩。去節。桂枝二兩。去皮。甘草一兩。炙。

杏仁七十箇。去皮尖。

右四味。以水九升。煮麻黃減二升。去白沫。內諸藥。煮取二升半。去滓。溫服八合。覆取微似汗。

陽明病。自汗出。若發汗。小便自利者。此為津液內竭。雖鞭不可攻之。當須自欲大便。宜蜜煎導而通之。若土瓜根。及大猪膽汁。皆可為導。二十。

●蜜煎方。

食蜜七合。

右一味。於銅器內。微火煎。當須凝如飴狀。攪之勿令焦著。欲可丸。併手捻作挺。令頭銳。大如指。

長二寸許。當熱時急作。冷則鞭。以內穀道中。以手急抱。欲大便時乃去之。疑非仲景意。已試甚良。

又大猪膽一枚。瀉汁。和少許法醋。以灌穀道內。

如一食頃。當大便出宿食惡物。甚效。

陽明病。脈遲。汗出多。微惡寒者。表未解也。可發汗。宜桂枝湯。二十一。

●桂枝湯方※。

桂枝三兩。去皮。芍藥三兩。生薑三兩。

甘草二兩。炙。大棗十二枚。擘。

右五味。以水七升。煮取三升。去滓。溫服一升。須臾啜熱稀粥一升。以助藥力取汗。

陽明病。脈浮。無汗而喘者。發汗則愈。宜麻黃湯。二十二。

陽明病。發熱汗出者。此爲熱越。不能發黃也。但頭汗出。身無汗。劑頸而還。小便不利。渴引水漿者。此爲瘀熱在裏。身必發黃。茵陳蒿湯主之。方二十三。

●茵陳蒿湯方※。

茵陳蒿六兩。梔子十四枚。擘。大黃二兩。去皮。

右三味。以水一斗二升。先煮茵陳。減六升。內二味。煮取三升。去滓。分三服。小便當利。尿如皂莢汁狀。色正赤。一宿腹減。黃從小便去也。

陽明證。其人喜忘者。必有畜血。所以然者。本有久瘀血。故令喜忘。屎雖鞭。大便反易。其色必黑者。宜抵當湯下之。方二十四。

●抵當湯方※。

水蛭熬。蟲蟲去翅足。熬。各三十箇。大黃三兩。酒洗。

桃仁二十箇。去皮尖及兩人者。

右四味。以水五升。煮取三升。去滓。溫服一升。不下更服。

陽明病。下之。心中懊惱而煩。胃中有燥屎者。可攻。腹微滿。初頭鞭。後必溏。不可攻之。若有燥屎者。宜大承氣湯。二十五。

病人不大便五六日。繞臍痛。煩躁。發作有時者。此有燥屎。故使不大便也。

病人煩熱。汗出則解。又如瘧狀。日晡所發熱者。屬陽明也。脈實者。宜下之。脈浮虛者。宜發汗。下之與大承氣湯。發汗宜桂枝湯。二十六。

大下後。六七日不大便。煩不解。腹滿痛者。此有燥屎也。所以然者。本有宿食故也。宜大承氣湯。二十七。

病人小便不利。大便乍難乍易。時有微熱。喘冒不能臥者。有燥屎也。宜大承氣湯。二十八。

食穀欲嘔。屬陽明也。吳茱萸湯主之。得湯反劇者。屬上焦也。吳茱萸湯。方二十九。

●吳茱萸湯方※。

吳茱萸一升。洗。人參三兩。生薑六兩。切。

大棗十二枚。擘。

右四味。以水七升。煮取二升。去滓。溫服七合。日三服。

太陽病。寸緩關浮尺弱。其人發熱汗出。復惡寒。不嘔。但心下痞者。此以醫下之也。如其不下者。病人不惡寒而渴者。此轉屬陽明也。小便數者。大便必鞭。不更衣十日。無所苦也。渴欲飲水。少少與之。但以法救之。渴者。宜五苓散。方三十。

●五苓散方※。

猪苓去皮。白朮。茯苓各十八銖。

澤瀉一兩六銖。桂枝半兩。去皮。

右五味。爲散。白飲和。服方寸匕。日三服。

脉陽微而汗出少者，爲自和也。汗出多者，爲太過。陽脉實，因發其汗，出多者，亦爲太過。太過者，爲陽絕於裏，亡津液，大便因鞮也。

脉浮而芤，浮爲陽，芤爲陰，浮芤相搏，胃氣生熱，其陽則絕。

跌陽脉浮而濇，浮則胃氣強，濇則小便數，浮滿相搏，大便則鞮，其脾爲約，麻子仁丸主之，方三十一。

●麻子仁丸方※。

麻子仁二升，芍藥半斤，枳實半斤，炙。

大黃一斤，去皮，厚朴一尺，炙，去皮。

杏仁一升，去皮尖，熬，別作脂。

右六味，蜜和丸如梧桐子大，飲服十丸，日三服。

漸加，以知爲度。

太陽病三日，發汗不解，蒸蒸發熱者，屬胃也，調胃承氣湯主之，三十二。

傷寒吐後，腹脹滿者，與調胃承氣湯，三十三。

太陽病，若吐若下若發汗後，微煩，小便數，大便因鞮者，與小承氣湯，和之愈，三十四。

得病二三日，脉弱，無太陽柴胡證，煩躁，心下鞮，至四五日，雖能食，以小承氣湯，少少與微和之，令小安，至六日，與承氣湯一升，若不大便六七日，小便少者，雖不受食，但初頭鞮，後必澹，未定成鞮，攻之必澹，須小便利，屎定鞮，乃可攻之，宜大承氣湯，三十五。

傷寒六七日，目中不了了，睛不和，無表裏證，大便難，身微熱者，此爲實也，急下之，宜大承氣湯，三十六。

陽明病，發熱汗多者，急下之，宜大承氣湯，三十七。

發汗不解，腹滿痛者，急下之，宜大承氣湯，三十八。

腹滿不減，減不足言，當下之，宜大承氣湯，三十九。

陽明少陽合病，必下利，其脉不負者，爲順也，負者，失也，互相剋賊，名爲負也，脉滑而數者，有宿食也，當下之，宜大承氣湯，四十。

病人無表裏證，發熱七八日，雖脉浮數者，可下之，假令已下，脉數不解，合熱則消穀喜飢，至六七日，不大便者，有瘀血，宜抵當湯，四十一。

若脉數不解，而下不止，必協熱便膿血也。

傷寒發汗已，身目爲黃，所以然者，以寒濕在裏不解故也，以爲不可下也，於寒濕中求之。

傷寒七八日，身黃如橘子色，小便不利，腹微滿者，茵陳蒿湯主之，四十二。

傷寒身黃發熱，梔子蘘皮湯主之，方四十三。

●梔子蘘皮湯方※。

肥梔子十五箇，擘，甘草一兩，炙，黃蘘二兩。

右三味，以水四升，煮取一升半，去滓，分溫再服。

傷寒瘀熱在裏，身必黃，麻黃連軹赤小豆湯主之，方四十四。

●麻黃連軹赤小豆湯方※。

麻黃二兩，去節，連軹二兩，連翹根是，杏仁四十箇，去皮尖。

赤小豆一升，大棗十二枚，擘，生梓白皮切，一升。

生薑二兩，切，甘草二兩，炙。

右八味，以潦水一斗，先煮麻黃再沸，去上沫，內諸藥，煮取三升，去滓，分溫三服，半日服盡。

◆辨少陽病脉證并治第九。

少陽之爲病，口苦咽乾目眩也。

少陽中風，兩耳無所聞，目赤，胸中滿而煩者，不可吐下，吐下則悸而驚。

傷寒，脉弦細，頭痛發熱者，屬少陽，少陽不可發汗，發汗則譫語，此屬胃，胃和則愈，胃不和，煩而悸。

本太陽病不解，轉入少陽者，脇下鞭滿，乾嘔不能食，往來寒熱，尚未吐下，脉沈緊者，與小柴胡湯，方一。

●小柴胡湯方※。

柴胡八兩，人參三兩，黃芩三兩。

甘草三兩，炙，半夏半升，洗，生薑三兩，切。

大棗十二枚，擘。

右七味，以水一斗二升，煮取六升，去滓，再煎取三升，溫服一升，日三服。

若已吐下發汗溫鍼，譫語，柴胡湯證罷，此爲壞病，知犯何逆，以法治之。

三陽合病，脉浮大，上關上，但欲眠睡，目合則汗。

傷寒六七日，無大熱，其人躁煩者，此爲陽去入陰故也。

傷寒三日，三陽爲盡，三陰當受邪，其人反能食而不嘔，此爲三陰不受邪也。

傷寒三日，少陽脉小者，欲已也。

少陽病欲解時，從寅至辰上。

◆辨太陰病脉證并治第十。

太陰之爲病，腹滿而吐，食不下，自利益甚，時腹自痛，若下之，必胸下結鞭。

太陰中風，四肢煩疼，陽微陰濇而長者，爲欲愈。

太陰病，欲解時，從亥至丑上。

太陰病，脉浮者，可發汗，宜桂枝湯，方一。

●桂枝湯方※。

桂枝三兩，去皮，芍藥三兩，甘草二兩，炙。

生薑三兩，切，大棗十二枚，擘。

右五味，以水七升，煮取三升，去滓，溫服一升，須臾啜熱稀粥一升，以助藥力，溫覆取汗。

自利不渴者，屬太陰，以其藏有寒故也，當溫之，宜服四逆輩，二。

傷寒脉浮而緩，手足自溫者，繫在太陰，太陰當發身黃，若小便自利者，不能發黃，至七八日，雖暴煩下利日十餘行，必自止，以脾家實，腐穢當去故也。

本太陽病，醫反下之，因爾腹滿時痛者，屬太陰也，桂枝加芍藥湯主之，大實痛者，桂枝加大黃湯主之，三。

●桂枝加芍藥湯方。

桂枝三兩，去皮，芍藥六兩，甘草二兩，炙。

大棗十二枚，擘，生薑三兩，切。

右五味，以水七升，煮取三升，去滓，溫分三服，本云，桂枝湯，今加芍藥。

●桂枝加大黃湯方。

桂枝三兩，去皮，大黃二兩，芍藥六兩。

生薑三兩，切，甘草二兩，炙，大棗十二枚，擘。

右六味，以水七升，煮取三升，去滓，溫服一升，日三服。

太陰爲病，脉弱，其人續自便利，設當行大黃芍藥者，宜減之，以其人胃氣弱易動故也。

◆辨少陰病脉證并治第十一。

少陰之爲病。脉微細。但欲寐也。

少陰病。欲吐不吐。心煩但欲寐。五六日自利而渴者。屬少陰也。虛故引水自救。若小便色白者。少陰病形悉具。小便白者。以下焦虛有寒。不能制水。故令色白也。

病人脉陰陽俱緊。反汗出者。亡陽也。此屬少陰。法當咽痛而復吐利。

少陰病。欬而下利譫語者。被火氣劫故也。小便必難。以強責少陰汗也。

少陰病。脉細沈數。病爲在裏。不可發汗。

少陰病。脉微。不可發汗。亡陽故也。陽已虛。尺脉弱濇者。復不可下之。

少陰病。脉緊。至七八日自下利。脉暴微。手足反溫。脉緊反去者。爲欲解也。雖煩下利。必自愈。

少陰病。下利。若利自止。惡寒而踰臥。手足溫者。可治。

少陰病。惡寒而踰。時自煩。欲去衣被者。可治。

少陰中風。脉陽微陰浮者。爲欲愈。

少陰病。欲解時。從子至寅上。

少陰病。吐利。手足不逆冷。反發熱者。不死。脉不至者。灸少陰七壯。

少陰病。八九日。一身手足盡熱者。以熱在膀胱。必便血也。

少陰病。但厥無汗。而強發之。必動其血。未知從何道出。或從口鼻。或從目出者。是名下厥上竭。爲難治。

少陰病。惡寒身踰而利。手足逆冷者。不治。

少陰病。吐利躁煩。四逆者死。

少陰病。下利止。而頭眩。時時自冒者死。

少陰病。四逆惡寒。而身踰。脉不至。不煩而躁者死。

少陰病。六七日。息高者死。

少陰病。脉微細沈。但欲臥。汗出不煩。自欲吐。至五六日自利。復煩躁。不得臥寐者死。

少陰病。始得之。反發熱。脉沈者。麻黄細辛附子湯主之。方一。

●麻黄細辛附子湯方※。

麻黄二兩。去節。細辛二兩。附子一枚。炮。去皮。破八片。

右三味。以水一斗。先煮麻黄。減二升。去上沫。內諸藥。煮取三升。去滓。温服一升。日三服。

少陰病。得之二三日。麻黄附子甘草湯。微發汗。以二三日無證。故微發汗也。方二。

●麻黄附子甘草湯方※。

麻黄二兩。去節。甘草二兩。炙。附子一枚。炮。去皮。破八片。

右三味。以水七升。先煮麻黄一兩沸。去上沫。內諸藥。煮取三升。去滓。温服一升。日三服。

少陰病。得之二三日以上。心中煩不得臥。黃連阿膠湯主之。方三。

●黃連阿膠湯方※。

黃連四兩。黃芩二兩。芍藥二兩。

雞子黃二枚。阿膠三兩。一云三挺。

右五味。以水六升。先煮三物。取二升。去滓。內膠烱盡。小冷內雞子黃。攪令相得。温服七合。日三服。

少陰病。得之一二日。口中和。其背惡寒者。當灸之。

附子湯主之。方四。

●附子湯方※。

附子二枚。炮。去皮。破八片。茯苓三兩。人參二兩。

白朮四兩。芍藥三兩。

右五味。以水八升。煮取三升。去滓。温服一升。日三服。

少陰病。身體痛。手足寒。骨節痛。脉沈者。附子湯主之。五。

少陰病。下利便膿血者。桃花湯主之。方六。

●桃花湯方※。

赤石脂一斤。一半全用。一半篩末。乾薑一兩。粳米一升。

右三味。以水七升。煮米令熟。去滓。温服七合。內赤石脂末方寸匕。日三服。若一服愈。餘勿服。

少陰病。二三日至四五日。腹痛。小便不利。下利不止。便膿血者。桃花湯主之。七。

少陰病。下利便膿血者。可刺。

少陰病。吐利。手足逆冷。煩躁欲死者。吳茱萸湯主之。方八。

●吳茱萸湯方※。

吳茱萸一升。人參二兩。生薑六兩。切。

大棗十二枚。擘。

右四味。以水七升。煮取二升。去滓。溫服七合。日三服。

少陰病。下利咽痛。胸滿心煩。豬膚湯主之。方九。

●豬膚湯方※。

豬膚一斤。

右一味。以水一斗。煮取五升。去滓。加白蜜一升。

白粉五合。熬香。和令相得。溫分六服。

少陰病。二三日咽痛者。可與甘草湯。不差。與桔梗湯。十。

●甘草湯方。

甘草二兩。

右一味。以水三升。煮取一升半。去滓。溫服七合。

日二服。

●桔梗湯方。

桔梗一兩。甘草二兩。

右二味。以水三升。煮取一升。去滓。溫分再服。

少陰病。咽中傷生瘡。不能語言。聲不出者。苦酒湯主之。方十一。

●苦酒湯方※。

半夏洗。破如棗核。十四枚。雞子一枚。去黃。內上苦酒。著雞子殼中。

右二味。內半夏。著苦酒中。以雞子殼。置刀環中。

安火上。令三沸。去滓。少少含嚥之。不差。更作三劑。

少陰病。咽中痛。半夏散及湯主之。方十二。

●半夏散及湯方※。

半夏洗。桂枝去皮。甘草炙。

右三味。等分。各別擣篩已。合治之。白飲和。服方寸匕。日三服。若不能散服者。以水一升。煎七沸。

內散兩方寸匕。更煮三沸。下火令小冷。少少嚥之。半夏有毒。不當散服。

少陰病。下利。白通湯主之。方十三。

●白通湯方※。

葱白四莖。乾薑一兩。附子一枚。生。去皮。破八片。

右三味。以水三升。煮取一升。去滓。分溫再服。

少陰病。下利脈微者。與白通湯。利不止。厥逆無脈。乾嘔煩者。白通加豬膽汁湯主之。服湯脈暴出者死。微續者生。白通加豬膽湯。方十四。

●白通加豬膽湯方※。

葱白四莖。乾薑一兩。附子一枚。生。去皮。破八片。

人尿五合。豬膽汁一合。

右五味。以水三升。煮取一升。去滓。內膽汁人尿。

和令相得。分溫再服。若無膽亦可用。

少陰病，二三日不已，至四五日，腹痛，小便不利，四肢沈重疼痛，自下利者，此爲有水氣，其人或欬，或小便利，或下利，或嘔者，眞武湯主之，方十五。

●眞武湯方※。

茯苓三兩，芍藥三兩，白朮二兩，

生薑三兩，切，附子一枚，炮，去皮，破八片，

右五味，以水八升，煮取三升，去滓，溫服七合，日三服，若欬者，加五味子半升，細辛一兩，乾薑一兩，若小便利者，去茯苓，若下利者，去芍藥，加乾薑二兩，若嘔者，去附子，加生薑，足前爲半斤。

少陰病，下利清穀，裏寒外熱，手足厥逆，脈微欲絕，身反不惡寒，其人面色赤，或腹痛，或乾嘔，或咽痛，或利止脈不出者，通脈四逆湯主之，方十六。

●通脈四逆湯方※。

甘草二兩，炙，附子大者一枚，生用，去皮，破八片，

乾薑三兩，強人可四兩。

右三味，以水三升，煮取一升二合，去滓，分溫再服，其脈即出者愈，面色赤者，加葱九莖，腹中痛者，去葱，加芍藥二兩，嘔者，加生薑二兩，咽痛者，

去芍藥，加桔梗一兩，利止脈不出者，去桔梗，加人參二兩，病皆與方相應者，乃服之。

少陰病，四逆，其人或欬，或悸，或小便不利，或腹中痛，或泄利下重者，四逆散主之，方十七。

●四逆散方※。

甘草炙，枳實破，水漬，炙乾，柴胡，芍藥，

右四味，各十分，搗篩，白飲和，服方寸匕，日三服。

欬者，加五味子乾薑各五分，并主下利，悸者，加桂枝五分，小便不利者，加茯苓五分，腹中痛者，加附子一枚，炮令坼，泄利下重者，先以水五升，

煮薤白三升，煮取三升，去滓，以散三方寸匕，內湯中，煮取一升半，分溫再服。

少陰病，下利六七日，欬而嘔渴，心煩不得眠者，豬苓湯主之，方十八。

●豬苓湯方※。

豬苓去皮，茯苓，阿膠，澤瀉，

滑石各一兩。

右五味，以水四升，先煮四物，取二升，去滓，內阿膠烱盡，溫服七合，日三服。

少陰病，得之二三日，口燥咽乾者，急下之，宜大承氣湯，方十九。

●大承氣湯方※。

枳實五枚，炙，厚朴半斤，去皮，炙，大黃四兩，酒洗。

芒消三合。

右四味，以水一斗，先煮二味，取五升，去滓，內大黃，更煮取二升，去滓，內芒消，更上火，令一兩沸。

分溫再服，一服得利，止後服。

少陰病，自利清水，色純青，心下必痛，口乾燥者，可下之，宜大承氣湯，二十。

少陰病。六七日。腹脹不大便者。急下之。宜大承氣湯。二十一。

少陰病。脉沈者。急温之。宜四逆湯。方二十二。

●四逆湯方※。

甘草二兩。炙。乾薑一兩半。附子一枚。生用。去皮。破八片。

右三味。以水三升。煮取一升二合。去滓。分温再服。強人可大附子一枚。乾薑三兩。

少陰病。飲食入口則吐。心中温温欲吐。復不能吐。始得之。手足寒。脉弦遲者。此胸中實。不可下也。當吐之。若膈上有寒飲。乾嘔者。不可吐也。當温之。宜四逆湯。二十三。

少陰病。下利。脉微瀼。嘔而汗出。必數更衣。反少者。當温其上灸之。

◆辨厥陰病脉證治第十二。

厥陰之爲病。消渴。氣上撞心。心中疼熱。飢而不欲食。食則吐蚘。下之利不止。

厥陰中風。脉微浮爲欲愈。不浮爲未愈。

厥陰病。欲解時。從丑至卯上。

厥陰病。渴欲飲水者。少少與之愈。

諸四逆厥者。不可下之。虛家亦然。

傷寒先厥。後發熱而利者。必自止。見厥復利。

傷寒始發熱六日。厥反九日而利。凡厥利者。當不能食。今反能食者。恐爲除中。食以索餅。不發熱者。知胃氣尚在。必愈。恐暴熱來出而復去也。後日脉之。其熱續在者。期之旦日夜半愈。所以然者。本發熱六日。厥反九日。復發熱三日。并前六日。亦爲九日。與厥相應。故期之旦日夜半愈。後三日脉之。而脉數。其熱不罷者。此爲熱氣有餘。必發癰膿也。

傷寒脉遲六七日。而反與黃芩湯徹其熱。脉遲爲寒。今與黃芩湯。復除其熱。腹中應冷。當不能食。今反能食。此名除中。必死。

傷寒先厥後發熱。下利必自止。而反汗出。咽中痛者。其喉爲痺。發熱無汗。而利必自止。若不止。必便膿血。便膿血者。其喉不痺。

傷寒一二日至四五日，厥者必發熱，前熱者後必厥，厥深者熱亦深，厥微者熱亦微，厥應下之，而反發汗者，必口傷爛赤。

傷寒病厥五日，熱亦五日，設六日當復厥，不厥者自愈，厥終不過五日，以熱五日，故知自愈。

凡厥者，陰陽氣不相順接，便爲厥，厥者，手足逆冷者，是也。

傷寒脉微而厥，至七八日膚冷，其人躁無暫安時者，此爲藏厥，非蚘厥也，蚘厥者，其人當吐蚘，令病者靜，而復時煩者，此爲藏寒，蚘上入其膈，故煩，須臾復止，得食而嘔，又煩者，蚘聞食臭出，其人常自吐蚘，蚘厥者，烏梅丸主之，又主久利，方一。

●烏梅丸方※。

烏梅三百枚，細辛六兩，乾薑十兩。

黃連十六兩，當歸四兩，附子六兩，炮，去皮。

蜀椒四兩，出汗，桂枝去皮，六兩，人參六兩。

黃蘗六兩。

右十味，異擣篩，合治之，以苦酒漬烏梅一宿，去核，蒸之五斗米下，飯熟擣成泥，和藥令相得，內臼中，與蜜杵二千下，丸如梧桐子大，先食飲服十丸，日三服，稍加至二十丸，禁生冷滑物臭食等。

傷寒熱少微厥，指頭寒，嘿嘿不欲食，煩躁，數日小便利，色白者，此熱除也，欲得食，其病爲愈，若厥而嘔，胸脇煩滿者，其後必便血。

病者手足厥冷，言我不結胸，小腹滿，按之痛者，此冷結在膀胱關元也。

傷寒發熱四日，厥反三日，復熱四日，厥少熱多者，其病當愈，四日至七日，熱不除者，必便膿血。

傷寒厥四日，熱反三日，復厥五日，其病爲進，寒多熱少，陽氣退，故爲進也。

傷寒六七日，脉微，手足厥冷，煩躁，灸厥陰，厥不還者死。

傷寒發熱，下利厥逆，躁不得臥者死。

傷寒發熱，下利至甚，厥不止者死。

傷寒六七日不利，便發熱而利，其人汗出不止者死，有陰無陽故也。

傷寒五六日，不結胸腹濡，脉虛復厥者，不可下，此亡血，下之死。

發熱而厥，七日下利者，爲難治。

傷寒脉促，手足厥逆，可灸之。

傷寒脉滑而厥者。裏有熱。白虎湯主之。方二。

●白虎湯方※。

知母六兩。石膏一斤。碎。綿裹。甘草二兩。炙。

粳米六合。

右四味。以水一斗。煮米熟。湯成去滓。溫服一升。

日三服。

手足厥寒。脉細欲絕者。當歸四逆湯主之。方三。

●當歸四逆湯方※。

當歸三兩。桂枝三兩。去皮。芍藥三兩。

細辛三兩。甘草二兩。炙。通草二兩。

大棗二十五枚。擘。一法。十二枚。

右七味。以水八升。煮取三升。去滓。溫服一升。日三服。

若其人內有久寒者。宜當歸四逆加吳茱萸生薑湯。方四。

●當歸四逆加吳茱萸生薑湯方※。

當歸三兩。芍藥三兩。甘草二兩。炙。

通草二兩。桂枝三兩。去皮。細辛三兩。

生薑半斤。切。吳茱萸二升。大棗二十五枚。擘。

右九味。以水六升。清酒六升和。煮取五升。去滓。

溫分五服。

大汗出。熱不去。內拘急。四肢疼。又下利厥逆而惡寒者。四逆湯主之。方五。

●四逆湯方※。

甘草二兩。炙。乾薑一兩半。附子一枚。生用。去皮。破八片。

右三味。以水三升。煮取一升二合。去滓。分溫再服。若強人可用大附子一枚。乾薑三兩。

大汗若大下利。而厥冷者。四逆湯主之。六。

病人手足厥冷。脉乍緊者。邪結在胸中。心下滿而煩。飢不能食者。病在胸中。當須吐之。宜瓜蒂散。方七。

●瓜蒂散方※。

瓜蒂。赤小豆。

右二味。各等分。異擣篩。合內臼中。更治之。別以香豉一合。用熱湯七合。煮作稀糜。去滓。取汁和散一錢匕。溫頓服之。不吐者。少少加。得快吐乃止。諸亡血虛家。不可與瓜蒂散。

傷寒厥而心下悸。宜先治水。當服茯苓甘草湯。却治其厥。不爾水漬入胃。必作利也。茯苓甘草湯。方八。

●茯苓甘草湯方※。

茯苓二兩。甘草一兩。炙。生薑三兩。切。

桂枝二兩。去皮。

右四味。以水四升。煮取二升。去滓。分温三服。

傷寒六七日。大下後。寸脉沈而遲。手足厥逆。下部脉不至。喉咽不利。唾膿血。泄利不止者。爲難治。麻黄升麻湯主之。方九。

●麻黄升麻湯方※。

麻黄二兩半。去節。升麻一兩一分。當歸一兩一分。

知母十八銖。黄芩十八銖。萎蕤十八銖。一作菖蒲。

芍藥六銖。天門冬六銖。去心。桂枝六銖。去皮。

茯苓六銖。甘草六銖。炙。石膏六銖。碎。綿裹。

白朮六銖。乾薑六銖。

右十四味。以水一斗。先煮麻黄一兩沸。去上沫。

內諸藥。煮取三升。去滓。分温三服。相去如炊三斗米頃令盡。汗出愈。

傷寒四五日。腹中痛。若轉氣下趣少腹者。此欲自利也。

傷寒本自寒下。醫復吐下之。寒格更逆吐下。若食入口即吐。乾薑黄芩黄連人參湯主之。方十。

●乾薑黄芩黄連人參湯方※。

乾薑。黄芩。黄連。人參各三兩。

右四味。以水六升。煮取二升。去滓。分温再服。

下利有微熱而渴。脉弱者。今自愈。

下利脉數。有微熱汗出。今自愈。設復緊爲未解。

下利手足厥冷。無脉者。灸之不温。若脉不還。反微喘者死。少陰負趺陽者。爲順也。

下利寸脉反浮數。尺中自濇者。必清膿血。

下利清穀。不可攻表。汗出必脹滿。

下利脉沈弦者。下重也。脉大者爲未止。脉微弱數者。爲欲自止。雖發熱不死。

下利脉沈而遲。其人面少赤。身有微熱。下利清穀者。必鬱冒汗出而解。病人必微厥。所以然者。其面戴陽。下虛故也。

下利脉數而渴者。今自愈。設不差。必清膿血。以有熱故也。

下利後脉絕。手足厥冷。晷時脉還。手足温者生。脉不還者死。

傷寒下利。日十餘行。脉反實者死。

下利清穀。裏寒外熱。汗出而厥者。通脉四逆湯主之。方十一。

●通脉四逆湯方※.

甘草二兩. 炙. 附子大者一枚. 生. 去皮. 破八片.

乾薑三兩. 強人可四兩.

右三味. 以水三升. 煮取一升二合. 去滓. 分温再服. 其脉即出者愈.

熱利下重者. 白頭翁湯主之. 方十二.

●白頭翁湯方※.

白頭翁二兩. 黃蘗三兩. 黃連三兩.

秦皮三兩.

右四味. 以水七升. 煮取二升. 去滓. 温服一升. 不愈更服一升.

下利腹脹滿. 身體疼痛者. 先温其裏. 乃攻其表. 温裏宜四逆湯. 攻表宜桂枝湯. 十三.

●桂枝湯方.

桂枝三兩. 去皮. 芍藥三兩. 甘草二兩. 炙.

生薑三兩. 切. 大棗十二枚. 擘.

右五味. 以水七升. 煮取三升. 去滓. 温服一升. 須臾啜熱稀粥一升. 以助藥力.

下利欲飲水者. 以有熱故也. 白頭翁湯主之. 十四.

下利讞語者. 有燥屎也. 宜小承氣湯. 方十五.

●小承氣湯方※.

大黃四兩. 酒洗. 枳實三枚. 炙. 厚朴二兩. 去皮. 炙.

右三味. 以水四升. 取煮一升二合. 去滓. 分二服.

初一服讞語止. 若更衣者. 停後服. 不爾盡服之.

下利後更煩. 按之心下濡者. 爲虛煩也. 宜梔子豉湯. 方十六.

●梔子豉湯方※.

肥梔子十四箇. 擘. 香豉四合. 綿裹.

右二味. 以水四升. 先煮梔子. 取二升半. 內豉. 更煮取一升半. 去滓. 分再服. 一服得吐. 止後服.

嘔家有癰膿者. 不可治嘔. 膿盡自愈.

嘔而脉弱. 小便復利. 身有微熱. 見厥者難治. 四逆湯主之. 十七.

乾嘔吐涎沫. 頭痛者. 吳茱萸湯主之. 方十八.

●吳茱萸湯方※.

吳茱萸一升. 湯洗七遍. 人參三兩. 大棗十二枚. 擘.

生薑六兩. 切.

右四味. 以水七升. 煮取二升. 去滓. 温服七合. 日三服.

嘔而發熱者. 小柴胡湯主之. 方十九.

●小柴胡湯方※.

柴胡八兩. 黃芩三兩. 人參三兩.

甘草三兩. 炙. 生薑三兩. 切. 半夏半升. 洗.

大棗十二枚. 擘.

右七味. 以水一斗二升. 煮取六升. 去滓. 更煎取三升. 溫服一升. 日三服.

傷寒大吐大下之. 極虛. 復極汗者. 其人外氣怫鬱. 復與之水. 以發其汗. 因得嘔. 所以然者. 胃中寒冷故也.

傷寒嘔而腹滿. 視其前後. 知何部不利. 利之即愈.

◆辨霍亂病脉證并治第十三.

問曰. 病有霍亂者何.

答曰. 嘔吐而利. 此名霍亂.

問曰. 病發熱頭痛. 身疼惡寒. 吐利者. 此屬何病.

答曰. 此名霍亂. 霍亂自吐下. 又利止. 復更發熱也.

傷寒. 其脉微瀯者. 本是霍亂. 今是傷寒. 却四五日. 至陰經上. 轉入陰必利. 本嘔下利者. 不可治也. 欲似大便. 而反失氣. 仍不利者. 此屬陽明也. 便必鞭. 十三日愈. 所以然者. 經盡故也. 下利後當便鞭. 鞭則能食者愈. 今反不能食. 到後經中. 頗能食. 復過一經能食. 過之一日當愈. 不愈者. 不屬陽明也.

惡寒脉微而復利. 利止亡血也. 四逆加人參湯主之. 方一.

●四逆加人參湯方※.

甘草二兩. 炙. 附子一枚. 生. 去皮. 破八片. 乾薑一兩半.

人參一兩.

右四味. 以水三升. 煮取一升二合. 去滓. 分溫再服.

霍亂. 頭痛發熱. 身疼痛. 熱多欲飲水者. 五苓散主之. 寒多不用水者. 理中丸主之. 二.

●五苓散方.

豬苓去皮. 白朮. 茯苓各十八銖.

桂枝半兩. 去皮. 澤瀉一兩六銖.

右五味. 爲散. 更治之. 白飲和. 服方寸匕. 日三服.

多飲煖水. 汗出愈.

●理中丸方.

人參. 乾薑. 甘草炙. 白朮各三兩.

右四味。搗篩。蜜和爲丸。如雞子黃許大。以沸湯數合。和一丸。研碎。溫服之。日三四。夜二服。腹中未熟。益至三四丸。然不及湯。湯法。以四物。依兩數切。用水八升。煮取三升。去滓。溫服一升。日三服。若臍上築者。腎氣動也。去朮。加桂四兩。吐多者。去朮。加生薑三兩。下多者。還用朮。悸者。加茯苓二兩。渴欲得水者。加朮。足前成四兩半。腹中痛者。加人參。足前成四兩半。寒者。加乾薑。足前成四兩半。腹滿者。去朮。加附子一枚。服湯後。如食頃。飲熱粥一升許。微自溫。勿發揭衣被。

吐利止。而身痛不休者。當消息和解其外。宜桂枝湯小和之。方三。

●桂枝湯方※。

桂枝三兩。去皮。芍藥三兩。生薑三兩。

甘草二兩。炙。大棗十二枚。擘。

右五味。以水七升。煮取三升。去滓。溫服一升。

吐利汗出。發熱惡寒。四肢拘急。手足厥冷者。四逆湯主之。方四。

●四逆湯方※。

甘草二兩。炙。乾薑一兩半。附子一枚。生。去皮。破八片。

右三味。以水三升。煮取一升二合。去滓。分溫再服。強人可大附子一枚。乾薑三兩。

既吐且利。小便復利。而大汗出。下利清穀。內寒外熱。脈微欲絕者。四逆湯主之。五。

吐已下斷。汗出而厥。四肢拘急不解。脈微欲絕者。

通脈四逆加豬膽湯主之。方六。

●通脈四逆加豬膽湯方※。

甘草二兩。炙。乾薑三兩。強人可四兩。

附子大者一枚。生。去皮。破八片。

豬膽汁半合。

右四味。以水三升。煮取一升二合。去滓。內豬膽汁。分溫再服。其脈即來。無豬膽。以羊膽代之。

吐利發汗。脈平。小煩者。以新虛不勝穀氣故也。

◆辨陰陽易差後勞復病脈證并治第十四。

傷寒陰之爲病。其人身體重。少氣。少腹裏急。或引陰中拘攣。熱上衝胸。頭重不欲舉。眼中生花。膝脛拘急者。燒禪散主之。方一。

●燒禪散方※。

婦人中禪近隱處。取燒作灰。

右一味。水服方寸匕。日三服。小便即利。陰頭微腫。此爲愈矣。婦人病取男子禪燒服。

大病差後勞復者。枳實梔子湯主之。方二。

●枳實梔子湯方※.

枳實三枚，炙。梔子十四箇，擘。鼓一升，綿裹。

右三味，以清漿水七升，空煮取四升，內枳實梔子，煮取二升，下鼓，更煮五六沸，去滓，溫分再服。

覆令微似汗，若有宿食者，內大黃如博碁子五六枚，服之愈。

傷寒差以後，更發熱，小柴胡湯主之，脈浮者，以汗解之，脈沈實者，以下解之，方三。

●小柴胡湯方※.

柴胡八兩，人參二兩，黃芩二兩。

甘草二兩，炙。生薑二兩，半夏半升，洗。

大棗十二枚，擘。

右七味，以水一斗二升，煮取六升，去滓，再煎取三升，溫服一升，日三服。

大病差後，從腰以下有水氣者，牡蠣澤瀉散主之，方四。

●牡蠣澤瀉散方※.

牡蠣熬，澤瀉，蜀漆煖水洗，去腥。

葶藶子熬，商陸根熬，海藻洗，去鹹。

栝樓根各等分。

右七味，異擣，下篩爲散，更於臼中治之，白飲和。

服方寸匕，日三服，小便利，止後服。

大病差後，喜唾，久不了了，胸上有寒，當以丸藥溫之，宜理中丸，方五。

●理中丸方※.

人參，白朮，甘草炙，乾薑各三兩。

右四味，擣篩，蜜和爲丸，如雞子黃許大，以沸湯數合，和一丸，研碎，溫服之，日三服。

傷寒解後，虛羸少氣，氣逆欲吐，竹葉石膏湯主之，方六。

●竹葉石膏湯方※.

竹葉二把，石膏一斤，半夏半升，洗。

麥門冬一升，去心，人參三兩，甘草二兩，炙。

粳米半升。

右七味，以水一斗，煮取六升，去滓，內粳米，煮米熟，湯成去米，溫服一升，日三服。

病人脈已解，而日暮微煩，以病新差，人強與穀，脾胃氣尚弱，不能消穀，故令微煩，損穀則愈。

◆辨不可發汗病脈證并治第十五。

夫以爲疾病至急，倉卒尋按，要者難得，故重集諸可與不可方治，比之三陰三陽篇中，此易見也。又時有不止是三陽三陰，出在諸可與不可中也。

少陰病。脉細沈數。病爲在裏。不可發汗。

脉浮緊者。法當身疼痛。宜以汗解之。假令尺中遲者。不可發汗。何以知然。以榮氣不足。血少故也。

少陰病。脉微不可發汗。亡陽故也。

脉濡而弱。弱反在關。濡反在巔。微反在上。濇反在下。微則陽氣不足。濇則無血。陽氣反微。中風汗出。而反躁煩。濇則無血。厥而且寒。陽微發汗。躁不得眠。

動氣在右。不可發汗。發汗則衄而渴。心苦煩。飲即吐水。

動氣在左。不可發汗。發汗則頭眩。汗不止。筋惕肉瞤。

動氣在上。不可發汗。發汗則氣上衝。正在心端。

動氣在下。不可發汗。發汗則無汗。心中大煩。骨節苦疼。目運惡寒。食則反吐。穀不得前。

咽中閉塞。不可發汗。發汗則吐血。氣微絕。手足厥冷。欲得蹠臥。不能自溫。

諸脉得數動微弱者。不可發汗。發汗則大便難。腹中乾。胃躁而煩。其形相象。根本異源。

脉濡而弱。弱反在關。濡反在巔。弦反在上。微反在下。弦爲陽運。微爲陰寒。上實下虛。意欲得溫。微弦爲虛。不可發汗。發汗則寒慄。不能自還。

欬者則劇。數吐涎沫。咽中必乾。小便不利。心中飢煩。晡時而發。其形似瘧。有寒無熱。虛而寒慄。欬而發汗。蹠而苦滿。腹中復堅。

厥。脉緊。不可發汗。發汗則聲亂。咽嘶舌萎。聲不得前。

諸逆發汗。病微者難差。劇者言亂。目眩者死。命將難全。

太陽病。得之八九日。如瘧狀。發熱惡寒。熱多寒少。其人不嘔。清便續自可。一日二三次發。脉微而惡寒者。此陰陽俱虛。不可更發汗也。

太陽病。發熱惡寒。熱多寒少。脉微弱者。無陽也。不可發汗。

咽喉乾燥者。不可發汗。

亡血不可發汗。發汗則寒慄而振。

衄家不可發汗。汗出必額上陷。脉急緊。直視不能眴。不得眠。

汗家不可發汗。發汗必恍惚心亂。小便已。陰疼。宜禹餘糧丸。一。

淋家不可發汗。發汗必便血。

瘡家雖身疼痛。不可發汗。汗出則瘡。

下利不可發汗。汗出必脹滿。

欬而小便利。若失小便者。不可發汗。汗出則四肢厥逆冷。

傷寒一二日。至四五日。厥者必發熱。前厥者後必熱。厥深者熱亦深。厥微者熱亦微。厥應不之。而反發汗者。必口傷爛赤。

傷寒脉弦細。頭痛發熱者。屬少陽。少陽不可發汗。

傷寒頭痛。翕翕發熱。形象中風。常微汗出。自嘔者。下之益煩。心懊憹如飢。發汗則致瘧。身強難以伸屈。熏之則發黃。不得小便。久則發欬唾。

太陽與少陽併病。頭項強痛。或眩冒。時如結胸。心下痞鞭者。不可發汗。

太陽病。發汗因致瘧。

少陰病。欬而下利。譫語者。此被火氣劫故也。小便必難。以強責少陰汗也。

少陰病。但厥無汗。而強發之。必動其血。未知從何道出。或從口鼻。或從目出者。是名下厥上竭。爲難治。

◆辨可發汗病脉證并治第十六。

大法。春夏宜發汗。

凡發汗。欲令手足俱周。時出似漉漉然。一時間許。益佳。不可令如水流離。若病不解。當重發汗。汗多者必亡陽。陽虛。不得重發汗也。

凡服湯發汗。中病便止。不必盡劑也。

凡云可發汗。無湯者。丸散亦可用。要以汗出爲解。然不如湯隨證良驗。

太陽病。外證未解。脉浮弱者。當以汗解。宜桂枝湯。方一。

●桂枝湯方※。

桂枝三兩。去皮。芍藥三兩。甘草二兩。炙。

生薑三兩。切。大棗十二枚。擘。

右五味。以水七升。煮取三升。去滓。溫服一升。啜粥。將息如初法。

脈浮而數者。可發汗。屬桂枝湯證。二。

陽明病。脈遲。汗出多。微惡寒者。表未解也。可發汗。屬桂枝湯證。三。

夫病脈浮大。問病者言。但便鞭耳。設利者。爲大逆。鞭爲實。汗出而解。何以故。脈浮當以汗解。

傷寒其脈不弦緊而弱。弱者必渴。被火必讖語。弱者發熱脈浮。解之當汗出愈。

病人煩熱。汗出即解。又如瘧狀。日晡所發熱者。屬陽明也。脈浮虛者。當發汗。屬桂枝湯證。四。

病常自汗出者。此爲榮氣和。榮氣和者。外不諧。以衛氣不共榮氣諧和故爾。以榮行脈中。衛行脈外。復發其汗。榮衛和則愈。屬桂枝湯證。五。

病人藏無他病。時發熱自汗出。而不愈者。此衛氣不和也。先其時發汗則愈。屬桂枝湯證。六。

脈浮而緊。浮則爲風。緊則爲寒。風則傷衛。寒則傷榮。榮衛俱病。骨節煩疼。可發其汗。宜麻黃湯。方七。

●麻黃湯方※。

麻黃三兩。去節。桂枝二兩。甘草一兩。炙。

杏仁七十箇。去皮尖。

右四味。以水八升。先煮麻黃。減二升。去上沫。內諸藥。煮取二升半。去滓。溫服八合。溫覆取微似汗。不須啜粥。餘如桂枝將息。

太陽病不解。熱結膀胱。其人如狂。血自下。下者愈。其外未解者。尚未可攻。當先解其外。屬桂枝湯證。八。

太陽病。下之微喘者。表未解也。宜桂枝加厚朴杏子湯。方九。

●桂枝加厚朴杏子湯方※。

桂枝三兩。去皮。芍藥三兩。生薑三兩。切。

甘草二兩。炙。厚朴二兩。炙。去皮。杏仁五十箇。去皮尖。

大棗十二枚。擘。

右七味。以水七升。煮取三升。去滓。溫服一升。

傷寒脈浮緊。不發汗。因致衄者。屬麻黃湯證。十。

陽明病。脈浮無汗而喘者。發汗則愈。屬麻黃湯證。十一。

太陰病。脉浮者。可發汗。屬桂枝湯證。十二。

太陽病。脉浮緊。無汗發熱。身疼痛。八九日不解。表證仍在。當復發汗。服湯已。微除。其人發煩目瞑。劇者必衄。衄乃解。所以然者。陽氣重故也。屬麻黃湯證。十三。

脉浮者。病在表。可發汗。屬麻黃湯證。十四。

傷寒不大便六七日。頭痛有熱者。與承氣湯。其小便清者。知不在裏。續在表也。當須發汗。若頭痛者。必衄。屬桂枝湯證。十五。

下利腹脹滿。身體疼痛者。先溫其裏。乃攻其表。溫裏宜四逆湯。攻表宜桂枝湯。十六。

●四逆湯方。

甘草二兩。炙。乾薑一兩半。附子一枚。生。去皮。破八片。

右三味。以水三升。煮取一升二合。去滓。分溫再服。強人可大附子一枚。乾薑三兩。

下利後。身疼痛。清便自調者。急當救表。宜桂枝湯發汗。一七。

太陽病。頭痛發熱。汗出惡風寒者。屬桂枝湯證。十八。

太陽中風。陽浮而陰弱。陽浮者熱自發。陰弱者汗自出。翕翕惡寒。淅淅惡風。翕翕發熱。鼻鳴乾嘔者。屬桂枝湯證。十九。

太陽病。發熱汗出者。此爲榮弱衛強。故使汗出。欲救邪風。屬桂枝湯證。二十。

太陽病。下之後。其氣上衝者。屬桂枝湯證。二十一。

太陽病。初服桂枝湯。反煩不解者。先刺風池風府。却與桂枝湯則愈。二十二。

燒鍼令其汗。鍼處被寒。核起而赤者。必發奔豚。氣從少腹上撞心者。灸其核上。各一壯。與桂枝加桂湯。方二十三。

●桂枝加桂湯方※。

桂枝五兩。去皮。甘草二兩。炙。大棗十二枚。擘。

芍藥三兩。生薑三兩。切。

右五味。以水七升。煮取三升。去滓。溫服一升。本云。桂枝湯。今加桂滿五兩。所以加桂者。以能洩奔豚氣也。

太陽病。項背強几几。反汗出惡風者。宜桂枝加葛根湯。方二十四。

●桂枝加葛根湯方※。

葛根四兩。麻黃三兩。去節。甘草二兩。炙。

芍藥三兩。桂枝二兩。生薑三兩。

大棗十二枚。擘。

右七味。以水一斗。煮麻黃葛根。減二升。去上沫。

內諸藥。煮取三升。去滓。溫服一升。覆取微似汗。
不須啜粥助藥力。餘將息依桂枝法。

太陽病。項背強几几。無汗惡風者。屬葛根湯證。二十五。

太陽與陽明合病。必自下利。不嘔者。屬葛根湯證。二十六。

太陽與陽明合病。不下利。但嘔者。宜葛根加半夏湯。方二十七。

●葛根加半夏湯方※。

葛根四兩。半夏半升。洗。大棗十二枚。擘。

桂枝去皮。二兩。芍藥二兩。甘草二兩。炙。

麻黃三兩。去節。生薑三兩。

右八味。以水一斗。先煮葛根麻黃。減二升。去上沫。內諸藥。煮取三升。去滓。溫服一升。覆取微似汗。

太陽病。桂枝證。醫反下之。利遂不止。脈促者。表未解也。喘而汗出者。宜葛根黃芩黃連湯。方二十八。

●葛根黃芩黃連湯方※。

葛根八兩。黃連三兩。黃芩三兩。

甘草二兩。炙。

右四味。以水八升。先煮葛根。減二升。內諸藥。煮取二升。去滓。分溫再服。

太陽病。頭痛發熱。身疼腰痛。骨節疼痛。惡風無汗而喘者。屬麻黃湯證。二十九。

太陽與陽明合病。喘而胸滿者。不可下。屬麻黃湯證。三十。

太陽中風。脈浮緊。發熱惡寒。身疼痛。不汗出而煩躁者。大青龍湯主之。若脈微弱。汗出惡風者。不可服之。服之則厥逆。筋惕肉瞤。此爲逆也。大青龍湯方。三十一。

●大青龍湯方※。

麻黃六兩。去節。桂枝二兩。去皮。杏仁四十枚。去皮尖。

甘草二兩。炙。石膏如雞子大。碎。生薑三兩。切。

大棗十二枚。擘。

右七味。以水九升。先煮麻黃。減二升。去上沫。內諸藥。煮取三升。溫服一升。覆取微似汗。汗出多者。溫粉粉之。一服汗者。勿更服。若復服。汗出多者。亡陽遂虛。惡風煩躁。不得眠也。

陽明中風。脈弦浮大而短氣。腹都滿。脇下及心痛。久按之氣不通。鼻乾不得汗。嗜臥。一身及目悉黃。小便難。有潮熱。時時噦。耳前後腫。刺之小差。外不解。過十日。脈續浮者。與小柴胡湯。脈但浮。無餘證者。與麻黃湯。不溺。腹滿加噦者。不治。三十二。

●小柴胡湯方。

柴胡八兩。黃芩三兩。人參三兩。

甘草三兩。炙。生薑三兩。切。半夏半升。洗。

大棗十二枚。擘。

右七味。以水一斗二升。煮取六升。去滓。再煎取三升。溫服一升。日三服。

太陽病。十日以去。脈浮而細。嗜臥者。外已解也。設胸滿脇痛者。與小柴胡湯。脈但浮者。與麻黃湯。三十三。

傷寒脈浮緩。身不疼。但重。乍有輕時。無少陰證者。可與大青龍湯發之。三十四。

傷寒表不解。心下有水氣。乾嘔發熱而欬。或渴。或利。或噎。或小便不利。少腹滿。或喘者。宜小青龍湯。方三十五。

●小青龍湯方※。

麻黃二兩。去節。芍藥二兩。桂枝二兩。去皮。

甘草二兩。炙。細辛二兩。五味子半升。

半夏半升。洗。乾薑三兩。

右八味。以水一斗。先煮麻黃。減二升。去上沫。內諸藥。煮取三升。去滓。溫服一升。若渴。去半夏。加栝樓根三兩。若微利。去麻黃。加薤花如一雞子。熬令赤色。若噎。去麻黃。加附子一枚。炮。若小便不利。少腹滿。去麻黃。加茯苓四兩。若喘。去麻黃。加杏仁半升。去皮尖。且薤花不治利。麻黃主喘。今此語反之。疑非仲景意。

傷寒心下有水氣。欬而微喘。發熱不渴。服湯已渴者。此寒去欲解也。屬小青龍湯證。三十六。

中風往來寒熱傷寒。五六日以後。胸脇苦滿。嘿嘿不欲飲食。煩心喜嘔。或胸中煩而不嘔。或渴。或腹中痛。或脇下痞鞭。或心下悸。小便不利。或不渴。身有微熱。或欬者。屬小柴胡湯證。三十七。

傷寒四五日。身熱惡風。頸項強。脇下滿。手足溫而渴者。屬小柴胡湯證。三十八。

傷寒六七日。發熱微惡寒。支節煩疼。微嘔。心下支結。外證未去者。柴胡桂枝湯主之。方三十九。

●柴胡桂枝湯方※。

柴胡四兩。黃芩一兩半。人參一兩半。

桂枝一兩半。去皮。生薑一兩半。切。半夏二合半。洗。

芍藥一兩半。大棗六枚。擘。甘草一兩。炙。

右九味。以水六升。煮取三升。去滓。溫服一升。日三服。本云。人參湯。作如桂枝法。加半夏柴胡黃芩。如柴胡法。今著人參。作半劑。

少陰病。得之二三日。麻黃附子甘草湯。微發汗。以二三日無證。故微發汗也。四十。

●麻黃附子甘草湯方※。

麻黃二兩。去根節。甘草二兩。炙。附子一枚。炮。去皮。破八片。

右三味。以水七升。先煮麻黃一二沸。去上沫。內諸藥。煮取二升半。去滓。溫服八合。日三服。

脈浮。小便不利。微熱消渴者。與五苓散。利小便發汗。四十一。

●五苓散方※。

豬苓十八銖。去皮。茯苓十八銖。白朮十八銖。

澤瀉一兩六銖。桂枝半兩。去皮。

右五味。搗爲散。以白飲和。服方寸匕。日三服。多飲煖水。汗出愈。

◆辨發汗後病脉證并治第十七。

二陽併病。太陽初得病時。發其汗。汗先出不徹。因轉屬陽明。續自微汗出。不惡寒。若太陽病證不罷者。不可下。下之爲逆。如此可小發汗。設面色緣緣正赤者。陽氣怫鬱在表。當解之熏之。若發汗不徹。不足言陽氣怫鬱不得越。當汗不汗。其人煩躁。不知痛處。乍在腹中。乍在四肢。按之不可得。其人短氣但坐。以汗出不徹故也。更發汗則愈。何以知汗出不徹。以脉濡故知也。

未持脉時。病人叉手自冒心。師因教試令欬。而不即欬者。此必兩耳聾無聞也。所以然者。以重發汗虛。故如此。

發汗後。飲水多必喘。以水灌之。亦喘。

發汗後。水藥不得入口。爲逆。若更發汗。必吐下不止。

陽明病。本自汗出。醫更重發汗。病已差。尚微煩不了了者。必大便鞭故也。以亡津液。胃中乾燥。故令大便鞭。當問小便已幾行。若本小便已三四行。今日再行。故知大便不久出。今爲小便數少。以津液當還入胃中。故知不久必大便也。

發汗多。若重發汗者。亡其陽。讖語。脉短者死。脉自和者。不死。

傷寒發汗已。身目爲黃。所以然者。以寒濕在裏不解故也。以爲不可下也。於寒濕中求之。

病人有寒。復發汗。胃中冷。必吐蚘。

太陽病。發汗。遂漏不止。其人惡風。小便難。四肢微急。難以屈伸者。屬桂枝加附子湯。方一。

●桂枝加附子湯方※。

桂枝三兩。去皮。芍藥三兩。甘草二兩。炙。

生薑三兩。切。大棗十二枚。擘。附子一枚。炮。

右六味。以水七升。煮取三升。去滓。溫服一升。本云。桂枝湯。今加附子。

太陽病。初服桂枝湯。反煩不解者。先刺風池風府。却與桂枝湯則愈。方二。

●桂枝湯方※。

桂枝三兩。去皮。芍藥三兩。生薑三兩。切。

甘草二兩。炙。大棗十二枚。擘。

右五味。以水七升。煮取三升。去滓。溫服一升。須臾啜熱稀粥一升。以助藥力。

服桂枝湯。大汗出。脈洪大者。與桂枝湯。如前法。若形似瘧。一日再發者。汗出必解。屬桂枝二麻黃一湯。方三。

●桂枝二麻黃一湯方※。

桂枝一兩十七銖。芍藥一兩六銖。麻黃一十六銖。去節。
生薑一兩六銖。杏仁十六箇。去皮尖。甘草一兩二銖。炙。
大棗五枚。擘。

右七味。以水五升。先煮麻黃一二沸。去上沫。內諸藥。煮取二升。去滓。溫服一升。日再服。本云。桂枝湯二分。麻黃湯一分。合爲二升。分再服。今合爲一方。

服桂枝湯。大汗出後。大煩渴不解。脈洪大者。屬白虎加人參湯。方四。

●白虎加人參湯方※。

知母六兩。石膏一斤。碎。綿裹。甘草二兩。炙。
粳米六合。人參二兩。
右五味。以水一斗。煮米熟。湯成去滓。溫服一升。日三服。

傷寒。脈浮。自汗出。小便數。心煩。微惡寒。腳攣急。反與桂枝。欲攻其表。此誤也。得之便厥。咽中乾。煩躁吐逆者。作甘草乾薑湯與之。以復其陽。若厥愈足溫者。更作芍藥甘草湯與之。其脚即伸。若胃氣不和。讞語者。少與調胃承氣湯。若重發汗。復加燒鍼者。與四逆湯。五。

●甘草乾薑湯方。

甘草四兩。炙。乾薑二兩。
右二味。以水三升。煮取一升五合。去滓。分溫再服。

●芍藥甘草湯方。

白芍藥四兩。甘草四兩。炙。
右二味。以水三升。煮取一升五合。去滓。分溫再服。

●調胃承氣湯方。

大黃四兩。去皮。清酒洗。甘草二兩。炙。芒消半升。
右三味。以水三升。煮取一升。去滓。內芒消。更上微火。煮令沸。少少溫服之。

●四逆湯方。

甘草二兩。炙。乾薑一兩半。附子一枚。生用。去皮。破八片。
右三味。以水三升。煮取一升二合。去滓。分溫再服。強人可大附子一枚。乾薑三兩。

太陽病。脈浮緊。無汗發熱。身疼痛。八九日不解。表證仍在。此當復發汗。服湯已。微除。其人發煩目瞑。劇者必衄。衄乃解。所以然者。陽氣重故也。宜麻黃湯。方六。

●麻黃湯方※。

麻黃三兩。去節。桂枝二兩。去皮。甘草一兩。炙。
杏仁七十箇。去皮尖。
右四味。以水九升。先煮麻黃減二升。去上沫。內諸藥。煮取二升半。去滓。溫服八合。覆取微似汗。不須啜粥。

傷寒發汗已解。半日許復煩。脈浮數者。可更發汗。屬桂枝湯證。七。

發汗後。身疼痛。脈沈遲者。屬桂枝加芍藥生薑各一兩人參三兩新加湯。方八。

●桂枝加芍藥生薑各一兩人參三兩新加湯方※。

桂枝三兩。去皮。芍藥四兩。生薑四兩。

甘草二兩。炙。人參三兩。大棗十二枚。擘。

右六味。以水一斗二升。煮取三升。去滓。溫服一升。本云。桂枝湯。今加芍藥生薑人參。

發汗後。不可更行桂枝湯。汗出而喘。無大熱者。可與麻黃杏子甘草石膏湯。方九。

●麻黃杏子甘草石膏湯方※。

麻黃四兩。去節。杏仁五十箇。去皮尖。甘草二兩。炙。

石膏半斤。碎。

右四味。以水七升。先煮麻黃。減二升。去上沫。內諸藥。煮取二升。去滓。溫服一升。本云。黃耳杯。

發汗過多。其人叉手自冒心。心下悸。欲得按者。屬桂枝甘草湯。方十。

●桂枝甘草湯方※。

桂枝二兩。去皮。甘草二兩。炙。

右二味。以水三升。煮取一升。去滓。頓服。

發汗後。其人臍下悸者。欲作奔豚。屬茯苓桂枝甘草大棗湯。方十一。

●茯苓桂枝甘草大棗湯方※。

茯苓半斤。桂枝四兩。去皮。甘草一兩。炙。

大棗十五枚。擘。

右四味。以甘爛水一斗。先煮茯苓。減二升。內諸藥。煮取三升。去滓。溫服一升。日三服。

作甘爛水法。取水二斗。置大盆內。以杓揚之。水上有珠子五六千顆相逐。取用之。

發汗後。腹脹滿者。屬厚朴生薑半夏甘草人參湯。方十二。

●厚朴生薑半夏甘草人參湯方※。

厚朴半斤。炙。生薑半斤。半夏半升。洗。

甘草二兩。炙。人參一兩。

右五味。以水一斗。煮取三升。去滓。溫服一升。日三服。

發汗病不解。反惡寒者。虛故也。屬芍藥甘草附子湯。方十三。

●芍藥甘草附子湯方※。

芍藥三兩。甘草三兩。附子一枚。炮。去皮。破六片。

右三味。以水三升。煮取一升二合。去滓。分溫三服。疑非仲景方。

發汗後。惡寒者。虛故也。不惡寒。但熱者。實也。當和胃氣。屬調胃承氣湯證。十四。

太陽病。發汗後。大汗出。胃中乾。煩躁不得眠。欲得飲水者。少少與飲之。令胃氣和則愈。若脉浮。小便不利。微熱消渴者。屬五苓散。方十五。

●五苓散方※。

猪苓十八銖。去皮。澤瀉一兩六銖。白朮十八銖。

茯苓十八銖。桂枝半兩。去皮。

右五味。搗爲散。以白飲和。服方寸匕。日三服。多飲煖水。汗出愈。

發汗已。脉浮數。煩渴者。屬五苓散證。十六。

傷寒汗出而渴者。宜五苓散。不渴者。屬茯苓甘草湯。方十七。

●茯苓甘草湯方※。

茯苓二兩。桂枝二兩。甘草一兩。炙。生薑一兩。

右四味。以水四升。煮取二升。去滓。分溫三服。

太陽病發汗。汗出不解。其人仍發熱。心下悸。頭眩。身瞤動。振振欲擗地者。屬真武湯。方十八。

●真武湯方※。

茯苓三兩。芍藥三兩。生薑三兩。切。

附子一枚。炮。去皮。破八片。白朮二兩。

右五味。以水八升。煮取三升。去滓。溫服七合。日三服。

傷寒汗出解之後。胃中不和。心下痞鞭。乾噫食臭。脇下有水氣。腹中雷鳴下利者。屬生薑瀉心湯。方十九。

●生薑瀉心湯方※。

生薑四兩。甘草三兩。炙。人參三兩。

乾薑一兩。黃芩三兩。半夏半升。洗。

黃連一兩。大棗十二枚。擘。

右八味。以水一斗。煮取六升。去滓。再煎取三升。溫服一升。日三服。生薑瀉心湯。本云。理中人參黃芩湯。去枝枝朮。加黃連。并瀉肝法。

傷寒發熱。汗出不解。心中痞鞭。嘔吐而下利者。屬大柴胡湯。方二十。

●大柴胡湯方※。

柴胡半斤。枳實四枚。炙。生薑五兩。

黃芩三兩。芍藥三兩。半夏半升。洗。

大棗十二枚。擘。

右七味。以水一斗二升。煮取六升。去滓。再煎取三升。溫服一升。日三服。一方加大黃二兩。若不加。恐不名大柴胡湯。

陽明病。自汗出。若發汗。小便自利者。此爲津液內竭。雖鞭不可攻之。須自欲大便。宜蜜煎導而通之。

若土瓜根。及大豬膽汁。皆可爲導。二十一。

●蜜煎方。

食蜜七合。

右一味。於銅器內。微火煎。當須凝如飴狀。攪之勿令焦著。欲可丸。併手捻作挺。令頭銳。大如指許。長二寸。當熱時急作。冷則鞭。以內穀道中。以手急抱。欲大便時。乃去之。疑非仲景意。已試甚良。

又大豬膽一枚。瀉汁。和少許法醋。以灌穀道內。

如一食頃。當大便出宿食惡物。甚效。

太陽病。三日發汗不解。蒸蒸發熱者。屬胃也。屬調胃承氣湯證。二十二。

大汗出。熱不去。內拘急。四肢疼。又下利厥逆而惡寒者。屬四逆湯證。二十三。

發汗後不解。腹滿痛者。急下之。宜大承氣湯。方二十四。

●大承氣湯方※。

大黃四兩。酒洗。厚朴半斤。炙。枳實五枚。炙。

芒消三合。

右四味。以水一斗。先煮二物。取五升。內大黃。更煮取二升。去滓。內芒消。更一二沸。分再服。得利者。止後服。

發汗多。亡陽譫語者。不可下。與柴胡桂枝湯。和其榮衛。以通津液。後自愈。方二十五。

●柴胡桂枝湯方※。

柴胡四兩。桂枝一兩半。去皮。黃芩一兩半。

芍藥一兩半。生薑一兩半。大棗六箇。擘。

人參一兩半。半夏二合半。洗。甘草一兩。炙。

右九味。以水六升。煮取三升。去滓。溫服一升。日三服。

◆辨不可吐第十八。

太陽病。當惡寒發熱。今自汗出。反不惡寒發熱。關上脉細數者。以醫吐之過也。若得病一二日吐之者。腹中飢。口不能食。三四日吐之者。不喜糜粥。欲食冷食。朝食暮吐。以醫吐之所致也。此爲小逆。

太陽病。吐之。但太陽病當惡寒。今反不惡寒。不欲近衣者。此爲吐之內煩也。

少陰病。飲食入口則吐。心中溫溫。欲吐復不能吐。始得之。手足寒。脉弦遲者。此胸中實。不可下也。若膈上有寒飲乾嘔者。不可吐也。當溫之。

諸四逆厥者。不可吐之。虛家亦然。

◆辨可吐第十九。

大法。春宜吐。

凡用吐湯。中病便止。不必盡劑也。

病如桂枝證。頭不痛。項不強。寸脉微浮。胸中痞鞭。氣上撞咽喉。不得息者。此爲有寒。當吐之。

病胸上諸實。胸中鬱鬱而痛。不能食。欲使人按之。而反有涎唾。下利日十餘行。其脉反遲。寸口脉微滑。此可吐之。吐之。利則止。

少陰病。飲食入口則吐。心中溫溫。欲吐復不能吐者。宜吐之。

宿食在上管者。當吐之。

病手足逆冷。脉乍結。以客氣在胸中。心下滿而煩。欲食不能食者。病在胸中。當吐之。

◆辨不可下病脉證并治第二十。

脉濡而弱。弱反在關。濡反在巔。微反在上。濇反在下。微則陽氣不足。濇則無血。陽氣反微。中風汗出。而反躁煩。濇則無血。厥而且寒。陽微則不可下。下之則心下痞鞭。

動氣在右。不可下。下之則津液內竭。咽燥鼻乾。頭眩心悸也。

動氣在左。不可下。下之則腹內拘急。食不下。動氣更劇。雖有身熱。臥則欲踰。

動氣在上。不可下。下之則掌握熱煩。身上浮冷。熱汗自泄。欲得水自灌。

動氣在下。不可下。下之則腹脹滿。卒起頭眩。食則下清穀。心下痞也。

咽中閉塞。不可下。下之則上輕下重。水漿不下。臥則欲踰。身急痛。下利日數十行。

諸外實者。不可下。下之則發微熱。亡脉厥者。當齊握熱。

諸虛者。不可下。下之則大渴。求水者易愈。惡水者劇。

脉濡而弱。弱反在關。濡反在巔。弦反在上。微反在下。弦爲陽運。微爲陰寒。上實下虛。意欲得溫。微弦爲虛。虛者不可下也。微則爲欬。欬則吐涎。下之則欬止。而利因不休。利不休。則胸中如蟲齧。粥入則出。小便不利。兩脇拘急。喘息爲難。頸背相引。臂則不仁。極寒反汗出。身冷若冰。眼睛不慧。語言不休。而穀氣多入。此爲除中。口雖欲言。舌不得前。

脉濡而弱。弱反在關。濡反在巔。浮反在上。數反在下。浮爲陽虛。數爲無血。浮爲虛。數生熱。浮爲虛。自汗出而惡寒。數爲痛。振而寒慄。微弱在關。胸下爲急。喘汗而不得呼吸。呼吸之中。痛在於脇。振寒相搏。形如瘡狀。醫反下之。故令脉數發熱。狂走見鬼。心下爲痞。小便淋漓。少腹甚鞭。小便則尿血也。

脉濡而緊。濡則衛氣微。緊則榮中寒。陽微衛中風。發熱而惡寒。榮緊胃氣冷。微嘔心內煩。醫謂有大熱。解肌而發汗。亡陽虛煩躁。心下苦痞堅。表裏俱虛竭。卒起而頭眩。客熱在皮膚。悵悵不得眠。不知胃氣冷。緊寒在關元。技巧無所施。汲水灌其身。客熱應時罷。慄慄而振寒。重被而覆之。汗出而冒巔。體惕而又振。小便爲微難。寒氣因水發。清穀不客間。嘔變反腸出。顛倒不得安。手足爲微逆。身冷而內煩。遲欲從後救。安可復追還。

脉浮而大。浮爲氣實。大爲血虛。血虛爲無陰。孤陽獨下陰部者。小便當赤而難。胞中當虛。今反小便利。而大汗出。法應衛家當微。今反更實。津液四射。榮竭血盡。乾煩而不得眠。血薄肉消。而成暴液。醫復以毒藥攻其胃。此爲重虛。客陽去有期。必下如汗泥而死。

脉浮而緊。浮則爲風。緊則爲寒。風則傷衛。寒則傷榮。榮衛俱病。骨節煩疼。當發其汗。而不可下也。

跌陽脉遲而緩。胃氣如經也。跌陽脉浮而數。浮則傷胃。數則動脾。此非本病。醫特下之所爲也。榮衛內陷。其數先微。脉反但浮。其人必大便鞭。氣噫而除。何以言之。本以數脉動脾。其數先微。故知脾氣不治。大便鞭。氣噫而除。今脉反浮。其數改微。邪氣獨留。心中則飢。邪熱不殺穀。潮熱發渴。數脉當遲緩。脉因前後度數如法。病者則飢。數脉不時。則生惡瘡也。

脉數者。久數不止。止則邪結。正氣不能復。正氣却結於藏。故邪氣浮之。與皮毛相得。脉數者不可下。下之必煩。利不止。

少陰病。脉微。不可發汗。亡陽故也。陽已虛。尺中弱濇者。復不可下之。

脉浮大。應發汗。醫反下之。此爲大逆也。

脉浮而大。心下反鞭。有熱屬藏者。攻之不令發汗。屬府者。不令洩數。洩數則大便鞭。汗多則熱愈。汗少則便難。脉遲尚未可攻。

二陽併病。太陽初得病時。而發其汗。汗先出不徹。因轉屬陽明。續自微汗出不惡寒。若太陽證不罷者。不可下。下之爲逆。

結胸證。脉浮大者。不可下。下之即死。

太陽與陽明合病。喘而胸滿者。不可下。

太陽與少陽合病者。心下鞭。頸項強而眩者。不可下。

諸四逆厥者。不可下之。虛家亦然。

病欲吐者。不可下。

太陽病。有外證未解。不可下。下之爲逆。

病發於陽。而反下之。熱入因作結胸。病發於陰。而反下之。因作痞。

病脉浮而緊。而復下之。緊反入裏。則作痞。

夫病陽多者熱。下之則鞭。

本虛。攻其熱心噦。

無陽陰強。大便鞭者。下之必清穀腹滿。

太陰之爲病。腹滿而吐。食不下。自利益甚。時腹自痛。下之必胸下結鞭。

厥陰之爲病。消渴。氣上撞心。心中疼熱。飢而不欲食。食則吐蚘。下之利不止。

少陰病。飲食入口則吐。心中溫溫。欲吐復不能吐。始得之。手足寒。脉弦遲者。此胸中實。不可下也。

傷寒五六日。不結胸腹濡。脉虛復厥者。不可下。此亡血。下之死。

傷寒發熱頭痛。微汗出。發汗則不識人。熏之則喘。不得小便。心腹滿。下之則短氣。小便難。頭痛背強。加溫鍼則衄。

傷寒脉陰陽俱緊。惡寒發熱。則脉欲厥。厥者。脉初來大。漸漸小。更來漸大。是其候也。如此者惡寒。甚者翕翕汗出。喉中痛。若熱多者。目赤脉多。睛不慧。醫復發之。咽中則傷。若復下之。則兩目閉。寒多便清穀。熱多便膿血。若熏之。則身發黃。若熨之。則咽燥。若小便利者。可救之。若小便難者。爲危殆。

傷寒發熱。口中勃勃氣出。頭痛目黃。衄不可制。貪水者必嘔。惡水者厥。若下之。咽中生瘡。假令手足溫者。必下重便膿血。頭痛目黃者。若下之。則目閉。貪水者。若下之。其脉必厥。其聲嚶。咽喉塞。若發汗。則戰慄。陰陽俱虛。惡水者。若下之。則裏冷不嗜食。大便完穀出。若發汗。則口中傷。舌上自胎。煩躁。脉數實。不大便六七日。後必便血。若發汗。則小便自利也。

得病二三日。脉弱。無太陽柴胡證。煩躁心下痞。至四日。雖能食。以承氣湯。少少與微和之。令小安。至六日。與承氣湯一升。若不大便六七日。小便少。雖不大便。但頭鞭。後必溏。未定成鞭。攻之必溏。須小便利。屎定鞭。乃可攻之。

藏結無陽證。不往來寒熱。其人反靜。舌上胎滑者。不可攻也。

傷寒嘔多。雖有陽明證。不可攻之。

陽明病。潮熱。大便微鞭者。可與大承氣湯。不鞭者。不可與之。若不大便六七日。恐有燥屎。欲知之法。少與小承氣湯。湯入腹中。轉失氣者。此有燥屎也。乃可攻之。若不轉失氣者。此但初頭鞭後必澹。不可攻之。攻之必脹滿不能食也。欲飲水者。與水則噦。其後發熱者。大便必復鞭而少也。宜小承氣湯和之。不轉失氣者。慎不可攻也。大承氣湯方一。

●大承氣湯方※。

大黃四兩。厚朴八兩。炙。枳實五枚。炙。芒消三合。

右四味。以水一斗。先煮二味。取五升。下大黃。煮取二升。去滓。下芒消。再煮一二沸。分二服。利則止後服。

●小承氣湯方。

大黃四兩。酒洗。厚朴二兩。炙。去皮。枳實三枚。炙。

右三味。以水四升。煮取一升二合。去滓。分溫再服。

傷寒中風。醫反下之。其人下利日數十行。穀不化。腹中雷鳴。心下痞鞭而滿。乾嘔。心煩不得安。醫見心下痞。謂病不盡。復下之。其痞益甚。此非結熱。但以胃中虛。客氣上逆。故使鞭也。屬甘草瀉心湯。方二。

●甘草瀉心湯方※。

甘草四兩。炙。黃芩三兩。乾薑三兩。

大棗十二枚。擘。半夏半升。洗。黃連一兩。

右六味。以水一斗。煮取六升。去滓。再煎取三升。

溫服一升。日三服。

下利脈大者。虛也。以強下之故也。設脈浮革。因爾腸鳴者。屬當歸四逆湯。方三。

●當歸四逆湯方※。

當歸三兩。桂枝三兩。去皮。細辛三兩。

甘草二兩。炙。通草二兩。芍藥三兩。

大棗二十五枚。擘。

右七味。以水八升。煮取三升。去滓。溫服一升。半日三服。

陽明病。身合色赤。不可攻之。必發熱色黃者。小便不利也。

陽明病。心下鞭滿者。不可攻之。攻之。利遂不止者死。利止者愈。

陽明病。自汗出。若發汗。小便自利者。此為津液內竭。雖鞭不可攻之。須自欲大便。宜蜜煎導而通之。

若土瓜根。及猪膽汁。皆可為導。方四。

●蜜煎導方※。

食蜜七合。

右一味。於銅器內。微火煎。當須凝如飴狀。攪之勿令焦著。欲可丸。併手捻作挺。令頭銳。大如指。長二寸許。當熱時急作。冷則鞭。以內穀道中。以手急抱。欲大便時。乃去之。疑非仲景意。

已試甚良。又大猪膽一枚。瀉汁。和少許法醋。以灌穀道內。如一食頃。當大便出宿食惡物。甚效。

◆辨可下病脉證并治第二十一。

大法。秋宜下。

凡可下者。用湯勝丸散。中病便止。不必盡劑也。

陽明病。發熱。汗多者。急下之。宜大柴胡湯。方一。

●大柴胡湯方※。

柴胡八兩。枳實四枚。炙。生薑五兩。

黃芩三兩。芍藥三兩。大棗十二枚。擘。

半夏半升。洗。

右七味。以水一斗二升。煮取六升。去滓。更煎取三升。溫服一升。日三服。一方云。加大黃二兩。若不加。恐不成大柴胡湯。

少陰病。得之二三日。口燥咽乾者。急下之。宜大承氣湯。方二。

●大承氣湯方※。

大黃四兩。酒洗。厚朴半斤。炙。去皮。枳實五枚。炙。

芒消三合。

右四味。以水一斗。先煮二物。取五升。內大黃。更煮取二升。去滓。內芒消。更上微火一兩沸。分溫再服。得下餘勿服。

少陰病。六七日。腹滿不大便者。急下之。宜大承氣湯。三。

少陰病。下利清水。色純青。心下必痛。口乾燥者。可下之。宜大柴胡。大承氣湯。四。

下利。三部脉皆平。按之心下鞭者。急下之。宜大承氣湯。五。

下利。脉遲而滑者。內實也。利未欲止。當下之。宜大承氣湯。六。

陽明少陽合病。必下利。其脉不負者。爲順也。負者。失也。互相剋賊。名爲負也。脉滑而數者。有宿食。當下之。宜大承氣湯。七。

問曰。人病有宿食。何以別之。

師曰。寸口脉浮而大。按之反瀋。尺中亦微而瀋。故知有宿食。當下之。宜大承氣湯。八。

下利不欲食者。以有宿食故也。當下之。宜大承氣湯。九。

下利差。至其年月日時復發者。以病不盡故也。當下之。宜大承氣湯。十。

病腹中滿痛者。此爲實也。當下之。宜大承氣。大柴胡湯。十一。

下利。脉反滑。當有所去。下乃愈。宜大承氣湯。十二。

腹滿不減。減不足言。當下之。宜大柴胡。大承氣湯。十三。

傷寒後脉沈。沈者。內實也。下之解。宜大柴胡湯。十四。

傷寒六七日。目中不了了。睛不和。無表裏證。大便難。身微熱者。此爲實也。急下之。宜大承氣。大柴胡湯。十五。

太陽病。未解。脉陰陽俱停。必先振慄汗出而解。但陰脉微者。下之而解。宜大柴胡湯。十六。

脉雙弦而遲者。必心下鞭。脉大而緊者。陽中有陰也。可下之。宜大承氣湯。十七。

結胸者。項亦強。如柔瘕狀。下之則和。十八。

病人無表裏證。發熱七八日。雖脉浮數者。可下之。宜大柴胡湯。十九。

太陽病。六七日表證仍在。脉微而沈。反不結胸。其人發狂者。以熱在下焦。少腹當鞭滿。而小便自利者。下血乃愈。所以然者。以太陽隨經。瘀熱在裏故也。宜下之以抵當湯。方二十。

●抵當湯方※。

水蛭三十枚。熬。桃仁二十枚。去皮尖。蟲蟲三十枚。去翅足。熬。

大黃三兩。去皮。破六片。

右四味。以水五升。煮取三升。去滓。溫服一升。不下者。更服。

太陽病。身黃脉沈結。少腹鞭滿。小便不利者。爲無血也。小便自利。其人如狂者。血證諦。屬抵當湯證。二十一。

傷寒有熱。少腹滿。應小便不利。今反利者。爲有血也。當下之。宜抵當丸。方二十二。

●抵當丸方※。

大黃三兩。桃仁二十五箇。去皮尖。蟲蟲去翅足。熬。

水蛭各二十箇。熬。

右四味。擣篩。爲四丸。以水一升。煮一丸。取七合服之。晬時。當下血。若不下者。更服。

陽明病。發熱汗出者。此爲熱越。不能發黃也。但頭汗出。身無汗。劑頸而還。小便不利。渴引水漿者。以瘀熱在裏。身必發黃。宜下之以茵陳蒿湯。方二十三。

●茵陳蒿湯方※。

茵陳蒿六兩。梔子十四箇。擘。大黃二兩。破。

右三味。以水一斗二升。先煮茵陳。減六升。內二味。煮取三升。去滓。分溫三服。小便當利。尿如皂莢汁狀。色正赤。一宿腹減。黃從小便去也。

陽明證。其人喜忘者。必有畜血。所以然者。本有久瘀血。故令喜忘。屎雖鞭。大便反易。其色必黑。宜抵當湯下之。二十四。

汗出讞語者。以有燥屎在胃中。此爲風也。須下者。過經乃可下之。下之若早者。語言必亂。以表虛裏實故也。下之愈。宜大柴胡。大承氣湯。二十五。

病人煩熱。汗出則解。又如瘧狀。日晡所發熱者。屬陽明也。脉實者。可下之。宜大柴胡。大承氣湯。二十六。

陽明病。讞語有潮熱。反不能食者。胃中有燥屎五六枚也。若能食者。但鞭耳。屬大承氣湯證。二十七。

下利讞語者。有燥屎也。屬小承氣湯。方二十八。

●小承氣湯方※。

大黃四兩。厚朴二兩。炙。去皮。枳實三枚。炙。

右三味。以水四升。煮取一升二合。去滓。分溫再服。若更衣者。勿服之。

得病二三日。脉弱。無太陽柴胡證。煩躁。心下痞。至四五日。雖能食。以承氣湯。少少與微和之。令小安。至六日。與承氣湯一升。若不大便六七日。小便少者。雖不大便。但初頭鞭。後必溏。此未定成鞭也。攻之必溏。須小便利。屎定鞭。乃可攻之。宜大承氣湯。二十九。

太陽病中風。下利嘔逆。表解者。乃可攻之。其人熱熱汗出。發作有時。頭痛。心下痞鞭滿。引脇下痛。乾嘔則短氣。汗出不惡寒者。此表解裏未和也。屬十棗湯。方三十。

●十棗湯方※。

芫花熬赤。甘遂。大棗各等分。

右三味。各異擣篩科已。合治之。以水一升半。煮大肥棗十枚。取八合。去棗。內藥末。強人服重一錢匕。羸人半錢。溫服之。平旦服。若下少。病不除者。明日更服加半錢。得快下利後。糜粥自養。

太陽病不解。熱結膀胱。其人如狂。血自下。下者愈。其外未解者。尚未可攻。當先解其外。外解已。但少腹急結者。乃可攻之。宜桃核承氣湯。方三十一。

●桃核承氣湯方※。

桃仁五十枚。去皮尖。大黃四兩。甘草二兩。炙。

芒消二兩。桂枝二兩。去皮。

右五味。以水七升。煮四物。取二升半。去滓。內芒消。更上火煎微沸。先食溫服五合。日三服。當微利。

傷寒七八日。身黃如橘子色。小便不利。腹微滿者。屬茵陳蒿湯證。三十二。

傷寒發熱。汗出不解。心中痞鞭。嘔吐而下利者。屬大柴胡湯證。三十三。

傷寒十餘日。熱結在裏。復往來寒熱者。屬大柴胡湯證。三十四。

但結胸。無大熱者。以水結在胸脇也。但頭微汗出者。屬大陷胸湯。方三十五。

●大陷胸湯方※。

大黃六兩。芒消一升。甘遂末一錢匕。

右三味。以水六升。先煮大黃。取二升。去滓。內芒消。更煮一二沸。內甘遂末。溫服一升。

傷寒六七日。結胸熱實。脈沈而緊。心下痛。按之石鞣者。屬大陷胸湯證。三十六。

陽明病。其人多汗。以津液外出。胃中燥。大便必鞣。鞣則讞語。屬小承氣湯證。三十七。

陽明病。不吐不下。心煩者。屬調胃承氣湯。方三十八。

●調胃承氣湯方※。

大黃四兩。酒洗。甘草二兩。炙。芒消半升。

右三味。以水三升。煮取一升。去滓。內芒消。更上火。微煮令沸。溫頓服之。

陽明病。脈遲。雖汗出。不惡寒者。其身必重。短氣腹滿而喘。有潮熱者。此外欲解。可攻裏也。手足濇然汗出者。此大便已鞣也。大承氣湯主之。若汗出多。微發熱惡寒者。外未解也。桂枝湯主之。其熱不潮。未可與承氣湯。若腹大滿不通者。與小承氣湯。微和胃氣。勿令至大泄下。三十九。

●桂枝湯方。

桂枝去皮。芍藥。生薑切。各三兩。

甘草二兩。炙。大棗十二枚。擘。

右五味。以水七升。煮取三升。去滓。溫服一升。服湯後。飲熱稀粥一升餘。以助藥力。取微似汗。

陽明病。潮熱。大便微鞣者。可與大承氣湯。不鞣者。不可與之。若不大便六七日。恐有燥屎。欲知之法。少與小承氣湯。湯入腹中。轉失氣者。此有燥屎也。乃可攻之。若不轉失氣者。此但初頭鞣。後必澹。不可攻之。攻之必脹滿不能食也。欲飲水者。與水則噦。其後發熱者。大便必復鞣而少也。宜以小承氣湯和之。不轉失氣者。慎不可攻也。四十。

陽明病。讞語發潮熱。脈滑而疾者。小承氣湯主之。因與承氣湯一升。腹中轉氣者。更服一升。若不轉氣者。勿更與之。明日又不大便。脈反微澹者。裏虛也。爲難治。不可更與承氣湯。四十一。

二陽併病。太陽證罷。但發潮熱。手足繫繫汗出。大便難而讞語者。下之則愈。宜大承氣湯。四十二。

病人小便不利。大便乍難乍易。時有微熱。喘冒不能臥者。有燥屎也。屬大承氣湯證。四十三。

大下後。六七日不大便。煩不解。腹滿痛者。此有燥屎也。所以然者。本有宿食故也。屬大承氣湯證。四十四。

◆辨發汗吐下後病脉證并治第二十二。

師曰。病人脉微而濡者。此爲醫所病也。大發其汗。又數大下之。其人亡血。病當惡寒。後乃發熱。無休止時。夏月盛熱。欲著複衣。冬月盛寒。欲裸其身。所以然者。陽微則惡寒。陰弱則發熱。此醫發其汗。使陽氣微。又大下之。令陰氣弱。五月之時。陽氣在表。胃中虛冷。以陽氣內微。不能勝冷。故欲著複衣。十一月之時。陽氣在裏。胃中煩熱。以陰氣內弱。不能勝熱。故欲裸其身。又陰脉遲濡。故知亡血也。

寸口脉浮大。而醫反下之。此爲大逆。浮則無血。大則爲寒。寒氣相搏。則爲腸鳴。醫乃不知。而反飲冷水。令汗大出。水得寒氣。冷必相搏。其人則壽。

太陽病三日。已發汗。若吐。若下。若溫鍼。仍不解者。此爲壞病。桂枝不中與之也。觀其脉證。知犯何逆。隨證治之。

脉浮數者。法當汗出而愈。若下之。身重心悸者。不可發汗。當自汗出乃解。所以然者。尺中脉微。此裏虛。須表裏實。津液和。便自汗出愈。

凡病。若發汗。若吐。若下。若亡血。無津液。陰陽脉自和者。必自愈。

大下之後。復發汗。小便不利者。亡津液故也。勿治之。得小便利。必自愈。

下之後。復發汗。必振寒。脉微細。所以然者。以內外俱虛故也。

本發汗。而復下之。此爲逆也。若先發汗。治不爲逆。本先下之。而反汗之爲逆。若先下之。治不爲逆。

太陽病。先下而不愈。因復發汗。以此表裏俱虛。其人因致冒。冒家汗出自愈。所以然者。汗出表和故也。得表和。然後復下之。

得病六七日。脉遲浮弱。惡風寒。手足溫。醫二三下之。不能食。而脇下滿痛。面目及身黃。頸項強。小便難者。與柴胡湯。後必下重。本渴飲水而嘔者。柴胡不中與也。食穀者噦。

太陽病。二三日。不能臥。但欲起。心下必結。脉微弱者。此本有寒分也。反下之。若利止。必作結胸。未止者。四日復下之。此作協熱利也。

太陽病。下之。其脉促。不結胸者。此爲欲解也。脉浮者。必結胸。脉緊者。必咽痛。脉弦者。必兩脇拘急。脉細數者。頭痛未止。脉沈緊者。必欲嘔。脉沈滑者。協熱利。脉浮滑者。必下血。

太陽少陽併病。而反下之。成結胸。心下鞭。下利不止。水漿不下。其人心煩。

脉浮而緊。而復下之。緊反入裏。則作痞。按之自濡。但氣痞耳。

傷寒吐下發汗後，虛煩，脉甚微，八九日心下痞鞭，脇下痛，氣上衝咽喉，眩冒，經脉動惕者，久而成痿。

陽明病，能食，下之不解者，其人不能食，若攻其熱必噦，所以然者，胃中虛冷故也，以其人本虛，攻其熱必噦。

陽明病，脉遲，食難用飽，飽則發煩頭眩，必小便難，此欲作穀疸，雖下之，腹滿如故，所以然者，脉遲故也。

夫病，陽多者熱，下之則鞭，汗多，極發其汗亦鞭。

太陽病，寸緩關浮尺弱，其人發熱汗出，復惡寒，不嘔，但心下痞者，此以醫下之也。

太陰之爲病，腹滿而吐，食不下，自利益甚，時腹自痛，若下之，必胸下結鞭。

傷寒大吐大下之，極虛，復極汗者，其人外氣佛鬱，復與之水，以發其汗，因得噦，所以然者，胃中寒冷故也。

吐利發汗後，脉平，小煩者，以新虛不勝穀氣故也。

太陽病，醫發汗，遂發熱惡寒，因復下之，心下痞，表裏俱虛，陰陽氣並竭，無陽則陰獨，復加燒鍼，因胸煩，面色青黃，膚潤者，難治，今色微黃，手足溫者，易愈。

太陽病，得之八九日，如瘧狀，發熱惡寒，熱多寒少，其人不嘔，清便欲自可，一日二三度發，脉微緩者，爲欲愈也，脉微而惡寒者，此陰陽俱虛，不可更發汗更下更吐也，面色反有熱色者，未欲解也，以其不能得小汗出，身必癢，屬桂枝麻黃各半湯，方一。

●桂枝麻黃各半湯方※。

桂枝一兩十六銖，芍藥一兩，生薑一兩，切。

甘草一兩，炙，麻黃一兩，去節，大棗四枚，擘。

杏仁二十四箇，湯浸，去皮尖及兩人者。

右七味，以水五升，先煮麻黃一二沸，去上沫，內諸藥，煮取一升八合，去滓，溫服六合，本云，桂枝湯三合，麻黃湯三合，併爲六合，頓服。

服桂枝湯，或下之，仍頭項強痛，翕翕發熱，無汗，心下滿微痛，小便不利者，屬桂枝去桂加茯苓白朮湯，方二。

●桂枝去桂加茯苓白朮湯方※。

芍藥三兩，甘草二兩，炙，生薑三兩，切。

白朮三兩，茯苓三兩，大棗十二枚，擘。

右六味，以水八升，煮取三升，去滓，溫服一升，小便利則愈，本云，桂枝湯，今去桂枝，加茯苓白朮。

太陽病。先發汗不解。而下之。脉浮者不愈。浮爲在外。而反下之。故令不愈。今脉浮故在外。當須解外則愈。宜桂枝湯。方三。

●桂枝湯方※。

桂枝三兩。去皮。芍藥三兩。生薑三兩。切。

甘草二兩。炙。大棗十二枚。擘。

右五味。以水七升。煮取三升。去滓。溫服一升。須臾啜熱稀粥一升。以助藥力。取汗。

下之後復發汗。晝日煩躁不得眠。夜而安靜。不嘔不渴。無表證。脉沈微。身無大熱者。屬乾薑附子湯。方四。

●乾薑附子湯方※。

乾薑一兩。附子一枚。生用。去皮。破八片。

右二味。以水三升。煮取一升。去滓。頓服。

傷寒若吐若下後。心下逆滿。氣上衝胸。起則頭眩。脉沈緊。發汗則動經。身爲振振搖者。屬茯苓桂枝白朮甘草湯。方五。

●茯苓桂枝白朮甘草湯方※。

茯苓四兩。桂枝三兩。去皮。白朮二兩。甘草二兩。炙。

右四味。以水六升。煮取三升。去滓。分溫三服。

發汗若下之後。病仍不解。煩躁者。屬茯苓四逆湯。方六。

●茯苓四逆湯方※。

茯苓四兩。人參一兩。附子一枚。生用。去皮。破八片。

甘草二兩。炙。乾薑一兩半。

右五味。以水五升。煮取二升。去滓。溫服七合。日三服。

發汗吐下後。虛煩不得眠。若劇者。必反覆顛倒。心中懊懣。屬梔子豉湯。若少氣者。梔子甘草豉湯。若嘔者。梔子生薑豉湯。七。

●梔子生薑豉湯方※。

肥梔子十四枚。擘。香豉四合。綿裹。

右二味。以水四升。先煮梔子。得二升半。內豉。煮取一升半。去滓。分爲二服。溫進一服。得吐者。止後服。

●梔子甘草豉湯方。

肥梔子十四箇。擘。甘草二兩。炙。香豉四合。綿裹。

右三味。以水四升。先煮二味。取二升半。內豉。煮取一升半。去滓。分二服。溫進一服。得吐者。止後服。

●梔子生薑豉湯方。

肥梔子十四箇。擘。生薑五兩。切。香豉四合。綿裹。

右三味。以水四升。先煮二味。取二升半。內豉。煮取一升半。去滓。分二服。溫進一服。得吐者。止後服。

發汗。若下之。而煩熱胸中窒者。屬梔子豉湯證。八。

太陽病。過經十餘日。心下溫溫欲吐。而胸中痛。大便反澹。腹微滿。鬱鬱微煩。先此時極吐下者。與調胃承氣湯。若不爾者。不可與。但欲嘔。胸中痛。微澹者。此非柴胡湯證。以嘔故知極吐下也。調胃承氣湯。方九。

●調胃承氣湯方※。

大黃四兩。酒洗。甘草二兩。炙。芒消半升。

右三味。以水三升。煮取一升。去滓。內芒消。更上火令沸。頓服之。

太陽病。重發汗而復下之。不大便五六日。舌上燥而渴。日晡所小有潮熱。從心下至少腹鞭滿。而痛不可近者。屬大陷胸湯。方十。

●大陷胸湯方※。

大黃六兩。去皮。酒洗。芒消一升。甘遂末一錢匕。

右三味。以水六升。煮大黃。取二升。去滓。內芒消。

煮兩沸。內甘遂末。溫服一升。得快利。止後服。

傷寒五六日。已發汗。而復下之。胸脇滿微結。小便不利。渴而不嘔。但頭汗出。往來寒熱。心煩者。此為未解也。屬柴胡桂枝乾薑湯。方十一。

●柴胡桂枝乾薑湯方※。

柴胡半斤。桂枝三兩。去皮。乾薑二兩。

栝樓根四兩。黃芩三兩。甘草二兩。炙。

牡蠣二兩。熬。

右七味。以水一斗二升。煮取六升。去滓。再煎取三升。溫服一升。日三服。初服微煩。後汗出便愈。

傷寒發汗。若吐若下。解後。心下痞鞭。噫氣不除者。屬旋復代赭湯。方十二。

●旋復代赭湯方※。

旋復花三兩。人參二兩。生薑五兩。

代赭一兩。甘草三兩。炙。半夏半升。洗。

大棗十二枚。擘。

右七味。以水一斗。煮取六升。去滓。再煎取三升。

溫服一升。日三服。

傷寒。大下之。復發汗。心下痞。惡寒者。表未解也。不可攻痞。當先解表。表解乃攻痞。解表宜桂枝湯。用前方。攻痞宜大黃黃連瀉心湯。方十三。

●大黃黃連瀉心湯方※。

大黃二兩。酒洗。黃連一兩。

右二味。以麻沸湯二升漬之。須臾絞去滓。分溫再服。

傷寒若吐下後。七八日不解。熱結在裏。表裏俱熱。時時惡風。大渴。舌上乾燥而煩。欲飲水數升者。屬白虎加人參湯。方十四。

●白虎加人參湯方※。

知母六兩。石膏一斤。碎。甘草二兩。炙。

粳米六合。人參三兩。

右五味。以水一斗。煮米熟。湯成去滓。溫服一升。
日三服。

傷寒若吐若下後。不解。不大便五六日。上至十餘日。日晡所發潮熱。不惡寒。獨語如見鬼狀。若劇者。發則不識人。循衣摸床。惕而不安。微喘直視。脈弦者生。濇者死。微者但發熱讞語者。屬大承氣湯。方十五。

●大承氣湯方※。

大黃四兩。去皮。酒洗。厚朴半斤。炙。枳實五枚。炙。
芒消三合。

右四味。以水一斗。先煮二味。取五升。內大黃。煮取二升。去滓。內芒消。更煮令一沸。分溫再服。得利者。止後服。

三陽合病。腹滿身重。難以轉側。口不仁。面垢。

讞語遺尿。發汗則讞語。下之則額上生汗。若手足逆冷。自汗出者。屬白虎湯。十六。

●白虎湯方※。

知母六兩。石膏一斤。碎。甘草二兩。炙。
粳米六合。

右四味。以水一斗。煮米熟。湯成去滓。溫服一升。
日三服。

陽明病。脈浮而緊。咽燥口苦。腹滿而喘。發熱汗出。不惡寒。反惡熱身重。若發汗則躁。心憤憤而反讞語。若加溫鍼。必怵惕煩躁不得眠。若下之。則胃中空虛。客氣動膈。心中懊惱。舌上胎者。屬梔子豉湯證。十七。

陽明病。下之。心中懊惱而煩。胃中有燥屎者。可攻。腹微滿。初頭鞭。後必澹。不可攻之。若有燥屎者。宜大承氣湯。第十八。

太陽病。若吐若下。若發汗後。微煩。小便數。大便因鞭者。與小承氣湯和之愈。方十九。

●小承氣湯方※。

大黃四兩。酒洗。厚朴二兩。炙。枳實三枚。炙。
右三味。以水四升。煮取一升二合。去滓。分溫二服。

大汗若大下。而厥冷者。屬四逆湯。方二十。

●四逆湯方※。

甘草二兩。炙。乾薑一兩半。附子一枚。生用。去皮。破八片。
右三味。以水三升。煮取一升二合。去滓。分溫再服。強人可大附子一枚。乾薑四兩。

太陽病。下之後。其氣上衝者。可與桂枝湯。若不上衝者。不得與之。二十一。

太陽病。下之後。脈促胸滿者。屬桂枝去芍藥湯。方二十二。

●桂枝去芍藥湯方※。

桂枝三兩。去皮。甘草二兩。炙。生薑三兩。

大棗十二枚。擘。

右四味。以水七升。煮取三升。去滓。溫服一升。本云。桂枝湯。今去芍藥。

若微寒者。屬桂枝去芍藥加附子湯。方二十三。

●桂枝去芍藥加附子湯方※。

桂枝三兩。去皮。甘草二兩。炙。生薑三兩。切。

大棗十二枚。擘。附子一枚。炮。

右五味。以水七升。煮取三升。去滓。溫服一升。本云。桂枝湯。今去芍藥。加附子。

太陽病桂枝證。醫反下之。利遂不止。脈促者。表未解也。喘而汗出者。屬葛根黃芩黃連湯。方二十四。

●葛根黃芩黃連湯方※。

葛根半斤。甘草二兩。炙。黃芩三兩。

黃連三兩。

右四味。以水八升。先煮葛根。減二升。內諸藥。煮取二升。去滓。溫分再服。

太陽病。下之微喘者。表未解故也。屬桂枝加厚朴杏子湯。方二十五。

●桂枝加厚朴杏子湯方※。

桂枝三兩。去皮。芍藥三兩。生薑三兩。切。

甘草二兩。炙。厚朴二兩。炙。去皮。大棗十二枚。擘。

杏仁五十箇。去皮尖。

右七味。以水七升。煮取三升。去滓。溫服一升。

傷寒。不大便六七日。頭痛有熱者。與承氣湯。其小便清者。知不在裏。仍在表也。當須發汗。若頭痛者。必衄。宜桂枝湯。二十六。

傷寒五六日。大下之後。身熱不去。心中結痛者。未欲解也。屬梔子豉湯證。二十七。

傷寒下後。心煩腹滿。臥起不安者。屬梔子厚朴湯。方二十八。

●梔子厚朴湯方※。

梔子十四枚。擘。厚朴四兩。炙。枳實四箇。水浸。炙令赤。

右三味。以水三升半。煮取一升半。去滓。分二服。

溫進一服。得吐者。止後服。

傷寒。醫以丸藥大下之。身熱不去。微煩者。屬梔子乾薑湯。方二十九。

●梔子乾薑湯方※。

梔子十四箇。擘。乾薑二兩。

右二味。以水三升半。煮取一升半。去滓。分二服。

一服得吐者。止後服。

凡用梔子湯。病人舊微溏者。不可與服之。

傷寒醫下之。續得下利。清穀不止。身疼痛者。急當救裏。後身疼痛。清便自調者。急當救表。救裏宜四逆湯。救表宜桂枝湯。三十。

太陽病。過經十餘日。反二三下之。後四五日。柴胡證仍在者。先與小柴胡。嘔不止。心下急。鬱鬱微煩者。爲未解也。可與大柴胡湯。下之則愈。方三十一。

●大柴胡湯方※。

柴胡半斤。黃芩三兩。芍藥三兩。

半夏半升。洗。生薑五兩。枳實四枚。炙。

大棗十二枚。擘。

右七味。以水一斗二升。煮取六升。去滓。再煎取三升。溫服一升。日三服。一方加大黃二兩。若不加。恐不爲大柴胡湯。

傷寒十三日不解。胸脇滿而嘔。日晡所發潮熱。已而微利。此本柴胡。下之不得利。今反利者。知醫以丸藥下之。此非其治也。潮熱者。實也。先服小柴胡湯以解外。後以柴胡加芒消湯主之。方三十二。

●柴胡加芒消湯方※。

柴胡二兩十六銖。黃芩一兩。人參一兩。

甘草一兩。炙。生薑一兩。半夏二十銖。舊云。五枚。洗。

大棗四枚。擘。芒消二兩。

右八味。以水四升。煮取二升。去滓。內芒消。更煮微沸。溫分再服。不解更作。

傷寒十三日。過經讖語者。以有熱也。當以湯下之。若小便利者。大便當鞭。而反下利。脈調和者。知醫以丸藥下之。非其治也。若自下利者。脈當微厥。今反和者。此爲內實也。屬調胃承氣湯證。三十三。

傷寒八九日。下之胸滿煩驚。小便不利。讖語。一身盡重。不可轉側者。屬柴胡加龍骨牡蠣湯。方三十四。

●柴胡加龍骨牡蠣湯方※。

柴胡四兩。龍骨一兩半。黃芩一兩半。

生薑一兩半。切。鉛丹一兩半。人參一兩半。

桂枝一兩半。去皮。茯苓一兩半。半夏二合半。洗。

大黃二兩。牡蠣一兩半。熬。大棗六枚。擘。

右十二味。以水八升。煮取四升。內大黃。切如碁子。更煮一兩沸。去滓。溫服一升。本云柴胡湯。今加龍骨等。

火逆下之。因燒鍼煩躁者。屬桂枝甘草龍骨牡蠣湯。方三十五。

●桂枝甘草龍骨牡蠣湯方※。

桂枝一兩。去皮。甘草二兩。炙。龍骨二兩。

牡蠣二兩。熬。

右四味。以水五升。煮取二升半。去滓。溫服八合。

日三服。

太陽病。脉浮而動數。浮則爲風。數則爲熱。動則爲痛。數則爲虛。頭痛發熱。微盜汗出。而反惡寒者。表未解也。醫反下之。動數變遲。膈內拒痛。胃中空虛。客氣動膈。短氣躁煩。心中懊憹。陽氣內陷。心下因鞭。則爲結胸。屬大陷胸湯證。若不結胸。但頭汗出。餘處無汗。劑頸而還。小便不利。身必發黃。三十六。

傷寒五六日。嘔而發熱者。柴胡湯證具。而以他藥下之。柴胡證仍在者。復與柴胡湯。此雖已下之不爲逆。必蒸蒸而振。却發熱汗出而解。若心下滿而鞭痛者。此爲結胸也。大陷胸湯主之。用前方。但滿而不痛者。此爲痞。柴胡不中與之。屬半夏瀉心湯。方三十七。

●半夏瀉心湯方※。

半夏半升。洗。黃芩三兩。乾薑三兩。

人參三兩。甘草三兩。炙。黃連一兩。

大棗十二枚。擘。

右七味。以水一斗。煮取六升。去滓。再煎取三升。

溫服一升。日三服。

本以下之。故心下痞。與瀉心湯。痞不解。其人渴而口燥煩。小便不利者。屬五苓散。方三十八。

●五苓散方※。

猪苓十八銖。去黑皮。白朮十八銖。茯苓十八銖。

澤瀉一兩六銖。桂心半兩。去皮。

右五味。爲散。白飲和服方寸匕。日三服。多飲煖水。汗出愈。

傷寒中風。醫反下之。其人下利日數十行。穀不化。腹中雷鳴。心下痞鞭而滿。乾嘔心煩不得安。醫見心下痞。謂病不盡。復下之。其痞益甚。此非結熱。但以胃中虛。客氣上逆。故使鞭也。屬甘草瀉心湯。方三十九。

●甘草瀉心湯方※。

甘草四兩。炙。黃芩三兩。乾薑三兩。

半夏半升。洗。大棗十二枚。擘。黃連一兩。

右六味。以水一斗。煮取六升。去滓。再煎取三升。

溫服一升。日三服。

傷寒服湯藥。下利不止。心下痞鞭。服瀉心湯已。復以他藥下之。利不止。醫以理中與之。利益甚。理中。理中焦。此利在下焦。屬赤石脂禹餘糧湯。復不止者。當利其小便。方四十。

●赤石脂禹餘糧湯方※。

赤石脂一斤。碎。太一禹餘糧一斤。碎。

右二味。以水六升。煮取二升。去滓。分溫三服。

太陽病。外證未除。而數下之。遂協熱而利。利下不止。心下痞鞭。表裏不解者。屬桂枝人參湯。方四十一。

●桂枝人參湯方※。

桂枝四兩。別切。去皮。甘草四兩。炙。白朮三兩。

人參三兩。乾薑三兩。

右五味。以水九升。先煮四味。取五升。內桂。更煮取三升。去滓。溫服一升。日再。夜一服。

下後。不可更行桂枝湯。汗出而喘。無大熱者。屬麻黃杏子甘草石膏湯。方四十二。

●麻黃杏子甘草石膏湯方※。

麻黃四兩。去節。杏仁五十箇。去皮尖。甘草二兩。炙。

石膏半斤。碎。

右四味。以水七升。先煮麻黃。減二升。去上沫。內諸藥。煮取三升。去滓。溫服一升。本云。黃耳杯。

陽明病。下之。其外有熱。手足溫。不結胸。心中懊懣。飢不能食。但頭汗出者。屬梔子豉湯證。四十三。

傷寒吐後。腹脹滿者。屬調胃承氣湯證。四十四。

病人無表裏證。發熱七八日。脈雖浮數者。可下之。假令已下。脈數不解。今熱則消穀喜飢。至六七日。不大便者。有瘀血。屬抵當湯。方四十五。

●抵當湯方※。

大黃三兩。酒洗。桃仁二十枚。去皮尖。水蛭三十枚。熬。

蟅蟲去翅足。三十枚。熬。

右四味。以水五升。煮取三升。去滓。溫服一升。不下更服。

本太陽病。醫反下之。因爾腹滿時痛者。屬太陰也。

屬桂枝加芍藥湯。方四十六。

●桂枝加芍藥湯方※。

桂枝三兩。去皮。芍藥六兩。甘草二兩。炙。

大棗十二枚。擘。生薑三兩。切。

右五味。以水七升。煮取三升。去滓。分溫三服。本云。桂枝湯。今加芍藥。

傷寒六七日。大下。寸脈沈而遲。手足厥逆。下部脈不至。喉咽不利。唾膿血。泄利不止者。爲難治。屬麻黃升麻湯。方四十七。

●麻黃升麻湯方※。

麻黃二兩半。去節。升麻一兩六銖。當歸一兩六銖。

知母十八銖。黃芩十八銖。萎蕤十八銖。一作昌蒲。

芍藥六銖。天門冬六銖。去心。桂枝六銖。去皮。

茯苓六銖。甘草六銖。炙。石膏六銖。碎。綿裹。

白朮六銖。乾薑六銖。

右十四味。以水一斗。先煮麻黃一兩沸。去上沫。

內諸藥。煮取三升。去滓。分溫三服。相去如炊三斗米頃令盡。汗出愈。

傷寒本自寒下。醫復吐下之。寒格更逆吐下。若食入口即吐。屬乾薑黃芩黃連人參湯。方四十八。

●乾薑黃芩黃連人參湯方※。

乾薑。黃芩。黃連。人參各三兩。

右四味。以水六升。煮取二升。去滓。分溫再服。